



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

281.64

6-637


V

w 483



Ս Ո Փ Ե Ր Ք

Հ Ս Յ Կ Ս Կ Ս Ն Ք



396-42

ՆԵՐՍԷՍ ԼՍՄԲՐՈՆԱՑԻ



ԳՐԻԳՈՐԻ ՍԿԵՒՈՒԱՅԻՈՅ

ՆԵՐՐՈՂԵԱՆ

Ի ՍՈՒՐԲՆ ՆԵՐՍԷՍ

ՀԱՄԲՐՈՆԱՅԻ



Ի ՎԵՆԵՏԻԿ

Ի Տպարանի Մխիթարեանց

ՌՅԳ - 1854

81581
1004

ՆԵՐՐՈՂԵԱՆ

ԱՍՆՑԵՆՆԻ Ի ՎԱՐՍ

ՄԵՆԻ ԲԱԶԱՆԱՑԱՊԵՏԻՆ

ՍՐԲՈՅՆ ՆԵՐՍԵՍԻ

ԱՐԶԻԵՊԻՍԿՈՊՈՍԻՆ

ՏԱՐՍՈՆԻ ԿԻՒԼԻԿԵՑԻՈՅ

Ի ԽՆԴՐՈՅ ՆՈՐԻՆ ՀԱՄԱՆՈՒՆ

ԵՒ ՀԱՄԱԶԳԻՈՅ

ՆԵՐՍԵՍԻ ԲԱԶԱՆՑԻ

1887



Ա. ԲԱԶՈՒՄ զգուշութեան և
սակալ արթնութեան սկտք են այ-
նոցիկ՝ որ աստուածայնոց և սրբա-
զանից արանց ձեռնարկեն դրուսա
գովեասի՝ խոհական մտաց և զօրեղ
բանի, այլ և վարուց մաքրագունից,
որպէս զի մի սլայծառագոյն վա-
րուցն փայլումն ՚ի նսեմ և աղջա-
մուղջ աղքատիմաց մտացն ընդ ան-
տեսութեան գրուանաւ ծածկեա-
ցի, և աղաւաղեալ առաքինու-
թեանցն քաջատոհմութիւն ՚ի կշիւ
զօրութեան անխնաստ յայտից չա-
փեսցի: Քանզի և ոչ յայտասիկ
լարչութեամբ ձեռնարկողացն և յու-
լովիւք ՚ի հասմանէ գերակատարն
անկեալ ՚ի վայր իմաստից վարուց
տեսականի արձակել գիտեմ ան-
սպասիժ: Իսկ յամենեցունց յայս-
ցանէ թափուր եղելոյ յընտրողա-
ժե.

կանսն տեսեալ և որ ընդդէմն իմա-
նի գերալիր և պատարուն , որոց
ոչ յուսացի կրից պատժական 'ի
ժպիրհն ձեռնարկութեաց փոքու
զմեծամեծսն կշռել : Ըստ որում և
իմ յարգիս խուսափեալ ձեռնար-
կութեանց , վեհիս այսորիկ և եր-
ջանիկ քահանայապետին գրուա-
տից , երկեւղիւ մեծաւ պահնում ,
գուցէ յարժանեացն վրիպելով
մեծանձնութեան սորին գովեստի ,
իրաւապէս պատժողականն մատ-
նիմ ատենի իբր զզլացող մեծին փա-
ռաց , արձանացուցանելով 'ի քար-
տիսի զվիսպասանութիւնս՝ անպաշ-
խցն աալով կարծիս բազմաձական՝
անսարագիր լինել առաքինու-
թեանցն անչափութեան :

Եւ արդ զինչ լռեցի և ոչ ճառե-
ցի զարեգակնային արփւոյն համա-
սփիւռ ճառագայթիցն փայլումն
լռութեանն ամսով ծածկելով , ոչ
և յայտոսիկ դատապարտութեան
լուծեալ տարակոյս բնականապէս
գիտելով հարկաւորութեամբ առ
'ի մէնջ պահանջել սրբոյն . զի թէ-

պէտ և 'ի մտերմաց և ջերմագունից
 նախ քան զմեզ առ այս ձեռնար-
 կեալ, մեզ ոչ առ 'ի զնոցայն աղօ-
 տացուցանել, այլ և զմերս բանա-
 կան երախայրի քահանայապետին
 մեծի նուիրել. ըստ որում և հարկ
 արքունի 'ի յոլովից փանաքեաց և
 փարթամաց 'ի միոյ մեծութեան
 պատիւ հաւաքի, այլ թէ և վերջին
 ըստ ամանակի, այլ ոչ ըստ յօժա-
 րութեանն և սիրոյ բաղձանաց
 թուի:

Սակայն ոչ առ այս գուղնաքեայ
 երկեւղ պաշարէ, ըստ անձեռնար-
 կելի մերս փոքրկութեան բանի զնո-
 րայն գիտելով բան գովեստի, այլ
 ոչ փոքր ինչ յայսոսիկ նպատաւո-
 րութիւնն և պատկառելի յարացոյց
 կայ առաջի. զի թէ յանեղ և յան-
 իմանալի և ամենայն բնութեան
 բանի անձեռնարկելի, ոչ միայն ընգ-
 նիւթոյս կապելոց և բիւրակերպ
 մարմնական ախտիւք վտանգելոց,
 այլ և վեհիցն մաքրոց, և առ ամե-
 նաբարին հպաւորութեան բարեաց
 եղելոց տիրապէս բանականացն ան-

խմանալի և անճառ աստուածայինն, սակայնն 'ի մաքրոց և յաստուածամերձ արանցն ըստ առաքինութեանն մասանց հպելոց յալովք խօսեցան ըստ չափոյ դօրութեան՝ ոչինչ պատահեալ դատապարտութեան, թէ և յոյժ 'ի վերջ յօժարութենէն գտան. զի և յայտոսիկ ոչ թէ որ ոչ ըստ արժանեացն չափէ՝ պատժի, այլ որ ոչն ասորժէ, դատապարտի: Ասա ուրեմն խօսեցուք 'ի պատմելն յայտնելով, թէ չեմ բաւական. զի 'ի չափ այսորիկ ժամանել, թերեւս նմա միայնոյ, որ յօժարապէս խմացաւ տեսանել յաստուածայինն և գերաբունն: Նաեւ յորովս յաստուածայնոց արանց խօսեցաւ վարս և հանգէսս քաջութեան, և զինչ է նա 'ի միջի և ոչ իբրեւ զնա, և այս նիւթ յանդգնութեան թերեւս լինի:

Եւ արդ ուսալի սկսուք, և կամ յորոց ներբողեցուք. որք արտաքին հանդիսիցն են վիպասանք՝ 'ի մարմնոց և որք նորա են՝ զնիւթ առ-

նուն գովասանութեան, այսինքն 'ի
 քաջատոհմութենէ, զարմի, 'ի թա-
 գազարդ գահից, յիշխանական պա-
 առոց, 'ի յաղթութենէ պատե-
 րազմաց, 'ի զարմանակերտ շինուա-
 ծոց, 'ի դատողական ատենից, 'ի
 յղփութենէ ստացուածոց, 'ի զօ-
 րութենէ մարմնոյ, 'ի բարեչափու-
 թենէ հասակի, 'ի դեղեցկամասնու-
 թենէ անդամոց. քանզի յայսոսիկ
 քաջահաճոյ՝ բարեբաստիկք, և ոչ
 նոյնպիսիքն՝ եղկելք անուանին :
 Իսկ որ 'ի ներքուստ զբարեմասնու-
 թեանն սովորեցին նկարագրել ըզ-
 դեղ, այլ իմն ընդդիմակօք զքաջա-
 հաճութիւնն ստորագրեն. ըստ
 այնմ՝ թէ Ամենայն փառք դստեր
 թագաւորի 'ի ներքոյ : Ասան որոյ
 էթէ էր ասորժելի ըստ մարմնոյ
 զսա պանծացուցանել, յուսկ առ
 այս և ընդարձակ նիւթ բարերջան-
 կութեան առ ձեռնպատրաստ 'ի շի-
 նուած յարմարութեան գովեստի
 էր գտանել : Բայց զիսորդ, որ զա-
 մենայն միանգամայն զփառս և զմե-
 ծութիւնս տեսաւորիս արհամար-

հեաց, և զհեշտութիւնս և զպատիւս
որ 'ի սմանէ կղկղանս համարեցաւ,
և որ այսորիկն է ներհակ՝ հետեւե-
ցաւ, 'ի սմանէ ոք զնորայն առցէ
սրատճառ գրուատի, զոր ոչ միայն
արհամարհեաց, և իբրեւ զաւելորդ
և անպիտան և խափան լաւագունին
յառաջատուութեան 'ի բաց ըն-
կէց. այլ և 'ի վերայ բարձրագահ
գիտանոցի առաքինութեան ելեալ,
ամենեցուն համանգամայն որք 'ի
մարմնի զառ 'ի սմանէ հրատարա-
կեաց սնտոի սլատրանս, և ուսոյց 'ի
բաց դառնալ. և որ ստուգագոյնն
է և անլուծական՝ նմա հետեւել:
Այլ զի մի անծանօթ 'ի քննողաց՝
սորա զարմ լիցի և տեղի, զն ա-
ռեալ խուն ինչ յիշատակեսցուք.
այնքան՝ որպէս զի մի ինչ տարա-
դէսլ և անպատկան վերընձիւղումն
առ 'ի բարիս սմա կարծեսցի, նախ
նեացն ընտրելոց և ծնողաց բարե-
պաշտից գոլով շառաւել:

Էր սա ըստ զարմի տանց նախա-
րարացն հայոց թագաւորազանց,
գահու մեծի և սլատուոյ ընդ առա-

ջինան հանդիպեալ 'ի հեռուստ ան-
 սի . և 'ի նուազէլ տան թաղաւո-
 թու թեանն , և 'ի զօրանալ աղախնա-
 ծին սեռին , եկեալ առ սահմանօքն
 հոռումոց՝ բանանային 'ի գահ Ալի-
 լիկիոյ զՏաւրոսիւ յանմատոյցն դը-
 դեակ Աամբրոն , և որ շուրջ զնո-
 վաւ գղեակք և գաւառք . յօլով
 ձիրս պարգեւաց և պատիւս իշխա-
 նութեան յինքնակալացն . Յունաց
 ընկալեալ , և որդի 'ի հօրէ զիշխա-
 նութիւնն յաջորդեալ մինչեւ 'ի
 հայր սրբոյս , որում անուն կոչի
 Աւշին : Իսկ բարեպաշտուհի մայր
 սորա գօլով Արշակունի 'ի ցեղէ
 սրբոյն Գրիգորի Առսաւորչին ,
 գուսար գօլով վեհին զօրավարի
 եղբօր վերագիտողացն հայոց՝ սրբոց
 հարազատացն Գրիգորի և Ներսէ-
 սի , և քոյր մեւսոյն հեղինակի որում
 Գրիգորիան յորջորջի : Այլ զայսու
 սիկ թողով յառաջիկայսն ճեպեա-
 ցուք : Քանզի սեռ գիտեմ սրբոյն՝
 զառաքինութիւն , գաւառ՝ զվերինն
 Երուսաղէմ , թագաւորութիւն՝
 զերկնիցն արքայութիւն , իշխանու-

Թիւն՝ զախտա սատրազասել, յազ-
 ԹուԹիւն՝ գիւաց և նորին արկա-
 ծից . զարմանահրաշ շինուած՝ որ
 'ի հաւատոյ և 'ի յուսոյ և 'ի սիրոյ,
 ձեռակերտի, գատողական աթու՝
 զընտանին ինքեան, ատեան՝ զընտ-
 րուԹիւն խոհականին որով աջեացն
 ընդ ահեկացն լինի բացորոշուԹիւն .
 ճոխուԹիւն՝ զոր յերկինս գանձեն
 անդժրելի ճճեաց և գողոց, զորու-
 Թիւն՝ որով զԹշնամին կենաց ըն-
 կրրկեն . բարեչափուԹիւն հասակի՝
 զժամանելն յայր կատարեալ 'ի չափ
 հասակի կատարմանն Քրիստոսի .
 գեղեցկամանուԹիւն՝ զսրակերտ-
 նալն 'ի կերպարան սկզբնատալին
 յոր և հաստատեցան : Աւստի յի-
 րուի զ'ի բացընկեցիմն և կոխան 'ի
 նմանէ եղեալ Թողլով, որում տեն-
 չացաւն և զոր ստացաւն՝ առնուլ 'ի
 գովեստ :

Բ . Քանզի ուխտական սա յորո-
 վանէ, ըստ որում և Սամուէլն
 այն 'ի յարգանդէ . նուէր տուողին՝
 մինչեւ ցոր մահուան խոստացեալ :

Իսկ յորժամ՝ ծնանելը՝ զգեղեցիու-
 թիւն գխնացն տեսեալ ուխտա-
 դրութք լինելին գաշանցն . Չայս
 վայելուչ գեղ, ասելին, ոչ է սարս
 հանել ՚ի վայելու-թեանց աշխարհի,
 այլ կացցէ մնացէ ՚ի ժառանգու-
 թիւն հայրենեացն իշխանութեան .
 և թէ տէր տացէ այլ մանուկ՝ տա-
 ցութք փոխանակ սորա : Չայստիկ
 խորհելով, իսկոյն գժնգակ ինչ
 ական պատահէր, մինչ զի նուազ
 ինչ ընդհատ ՚ի փչմանէ լինել շքն-
 ջոյն : Իսկ բարեպաշտուհի մօր նո-
 րա ՚ի բաց զամենայն թողեալ հնարս
 բժշկական արհեստից, մեծաւ յու-
 սով և բազում հաւատով ՚ի տա-
 ճարն ընթանայր Տիրամօրն, ուր և
 ուխտագրութեանն էին գաշինք,
 անձամբ զանձն գառապարտէր,
 յանցաւոր զինքն խոստովանէր : Յե-
 րեւ անկեալ մաղ^օէր, արտասուօք
 զյատակն թանայր . գարձեալ ուխ-
 տէր, կրկին գաշինս հաստատէր
 նմա և Միածնի նորա աալով զնա
 նուէր մինչեւ ցօր մահուան իւրոյ,
 և քահանայ անդրէն ՚ի խանձարոց

առնէր . և ահա շնչանայր վերստին
մանուկն , 'ի դժոխոցն դարձեալ
դրանց . և հրաշափառ իմն իր կա-
տարիւր , զի աւանդ ուխտին ինքնիշ-
խան լինէր կամաց համողիչ , և դեր
քան որ ուխտեաց՝ նուիրեալն զայն
տիրացոյց :

Գ . Վաղվաղակի ընդ ահեկին և
աջոյ զգացումն , աստուածային
պարապէր ուսմանց , 'ի տունջեան
և 'ի գիշերի անդանդաղ 'ի նոյն
կանխէր , կորովակի այնոցիկ և քա-
ջահմուտ ըստ առջութեան լինէր
Հոգւոյն : Փոխան զբօսանայ տհասն
հասակի՝ աստուածայինն օրինաց
լինէր քննութիւն . ընդ ստեանցն
գիւլոյ , զի Պաւղոսէն 'ի Քրիստոս
տղայոցն ջամբեալ գիէր զկաթն . և
նովին յարբունս անձնականին հա-
սանէր չափոյ . նախ քան զկատա-
րումն , տեսաւօրին իմանալեաւն
յառաջանայր : Սխրալի ամենեցուն ,
մանկական տիոյն երեւէր յառաջա-
դիմութիւն . մինչ զի 'ի մախ եդեալ
բազմաց , Ձինչ կամի լինել մա-

նուկս , ասէին , զի ոչ զբօսմամբ
 ընդ հասակակիցսն , այլ ընդ կատա-
 րեալսն խրատու փարէր , զամու-
 քեալ խորաիկս ենթագրեալ՝ պատ-
 շաճագունիւքն շատանայր . 'ի փաղ-
 փուն զգեստուց հրաժարեալ , խո-
 շորագունիւքն հեշտանայր . ընդ աս-
 տուածայինս խօսելով օրէնս՝ զընդ-
 ունայնաբանութիւնս 'ի բաց վա-
 րէր . խոկալով միշտ 'ի վերինս՝ զանց
 ստորնայնովքս առնէր . և 'ի խուն
 ժամանակի , 'ի յոլովս աստուածայ-
 ին վարժիցն չափ հասանէր . մեծու-
 թիւն և փառք երկրաւորիս սար-
 գիոսայն կորովակի բբացն երեւէր :

Դ . Քանզի երբեմն ըստ օրինի
 քաջազարմից՝ առ ինքնակալն Յու-
 նաց ածեալ լինէր . իսկ նա զսովո-
 րականսն այնօրիկ 'ի կիր առեալ
 բան և իր՝ իբր ընդ տղայոյ՝ ընդ աս-
 տուածախրատ համբակն խօսէր ,
 յիշխանութիւնս հասուցանել պա-
 տուով խոստանայր , և ձիրս շնոր-
 հի առաջի դնէր . Մանուկ դու ,
 ասէր , ընդ իս և առաջի իմ քո ե-

լով, գերագոյն ամենայն փառաւո-
 րաց պաշտանս զոր տեսանես, ըզ-
 քեզ կացուցից: Իսկ շնորհալից մա-
 նուկն հեզաբար առ նա բարբա-
 ռեալ. Ալ թագաւոր, ասէր, եթէ
 էր յաւետանալ 'ի մարմնի և յաշ-
 խարհի անլուծական զտրայս հեշ-
 տութեան բերեալ վայելս անակրն-
 կալի սյլում աշխարհի, և կենաց
 լինել փոխադրութեան, բարեոք 'ի
 քէն խրատու անասի, և մեծաւ
 շնորհակալութեամբ պարգեւացդ
 և պատուոյ հաւանէի. իսկ իմ ա-
 հա յաստուածայնոց խրատեալ օրի-
 նաց, կորստական և ցնդելի գոլ
 ղերկրաւորս ամենայն մեծութիւն և
 փառս, խոտ զմարմին յայանեալ, և
 ծաղիկ որ 'ի նմա վայելք, որ ընդ
 առաւօտս ծաղկեալ զուարճանայ,
 և խորշակահար յերեկս լինի. ցա-
 մաքի խոտն և թօթափի ծաղիկն և
 կորնչի գեղեցկութիւնն: Աս և ոչ
 իսկ վայելուչ և հեշտալի զսա լինել.
 այլ լի ցաւօք և տրամութեամբ և
 բազում տառապանօք, որ 'ի կար-
 ծեալ փառաւորութեանն իցեն.

իսկ ուսայ և այլ աշխարհ անլուծա-
 կան և կայուն որ միշտ նոյնպէս ու-
 նի առանց ցաւոց և հեծութեան ,
 և որ ինչ ներհակ խմանի , և թագա-
 ւորութիւն այլ որ յաւիտենական
 է , մեծութիւն և պատիւ , որ ոչ
 անցանէ : Եւ այսոքիկ 'ի ձէնջ կար-
 ծեալքս հակառակ գոլով նմին ,
 այնմ աշխարհի բաղձամ լինել ժա-
 ոանգաւոր և նորին թագաւորի զի
 նուոր . մեծութեան և փառացն
 այնմիկ ցանկացեալ եմ , որ զաղքա-
 տութիւնն և զանփառութիւնն ընդ-
 դիմակն ոչ ունի . ստացուածոց այն-
 պիսեաց տենչամ , որ 'ի ներհակաց
 ոչ գժրի . կեանս զայն ողջունեմ
 որ ախախց անընդունակ է . զպար-
 գեւս քո հայցողացն տուր , և զպա-
 տիւ որ նորին են ցանկացողք . քան
 զի ես միանդամ յայն վիճակեցայ
 'ի զինուորութիւն . և զամենայն որ
 նորին ստացման խափան և արգել
 լինի 'իբրեւ զմասսահար և զանախ-
 տանս 'ի բաց ընկենում : Զայս լը-
 ւեալ արքային և որ ընդ նմա խորհրդ-
 դականքն , սքանչացան հիացմամբ

Թի 1508
 1508

մեծաւ ընդ հանձարեղ պատասխանիան և գովեցին զիմաստութիւնն և յաճախութիւն հիացմանն, 'ի յանկատարն հասակի զգերակատարն լուր առնէին: Եւ այսպէս հոգեւորական շահեք օգտեալ 'ի նմանէ, դառնայր անդէն 'ի տեղի իւր: Դէպէզէւ յայլում ժամու առ որ մեծին Անտիոքայ էր իշխող՝ ամիլ. և նովին օրինակաւ հարցեալ, զնոյն լսէին իմաստութեամբ պատասխանի, և առաւել քան զնոյն. ընդ որ 'ի սքանչումն կրթեալ՝ զսոհեմութիւնն գովէին:

Ե. Իսկ յառաջագիմութիւն վարուցն ոչ թողացուցանէր 'ի նմին, այլ աստուածային շնորհն 'ի քահանայականն վերակոչէր պատիւ և 'ի պաշտօն փրկական և մեծ խորհրդոյն, զոր ընկալեալ ոչ իբրեւ զպատիւ ինչ վարկուցեալ, այլ յանձնառութիւն լծոյ ծանրագունի: Եւ այնուհետեւ սկզբնաւորէր, իբր այն ինչ ձեռնարկեալ՝ զարքայութեանն նեղ և նուրբ ճանապարհին

մաճոյ՝ի վարուցն առաջատու թիւն .
 և տայր զանձն յերկս մշակութեան
 աստուածային գրոց վարժից , յար
 ընթեռնելով և ստէսլ քննելով . և
 ուր տեղեկանայր զխմաստուն և հան
 ճարեղ ուսուցչաց ՚ի մերձակայս և
 հեռաւորս՝ վաղվաղակի անգր հա
 սանէր , զօրէն անօսրաթեւ և իմաս
 տուն թռչնոյ ՚ի վերայ թռչելով
 մարգաց հին և նոր կտակարանաց ,
 զանուշահոտութիւն աստուածային
 իմաստից և զքաղցրութիւն նորին
 ճաշակաց բանի յիւրն հաւաքելով
 խոհական ՚ի մտաց բժիճս , տայր
 յուրախութիւն թագաւորաց և
 աւանկաց և ՚ի բժշկութիւն ախտա
 ցելոյ ըստ գրեցելունն , և ՚ի յոլովս
 յայտասիկ դեգերման ժամանակս ՚ի
 կատար ամենայն հասանէր իմաս
 տից :

Զ . Եւ զինչ ապա . որ զամե
 նայն դիտէ նախ քան զլինելն , և
 անգոյքն նմա են յայանիք , որ
 և յառաջահոգակ նախախնամու
 թեամբն զբնաւ անօրինէ և բերէ որ

պէս կամի , զառ յինքենէ 'ի բա-
 ցուստ սկզբնաւորեալն 'ի դլուխ ա-
 ծէ , յառաջ կոչէ յայցելութեան
 պատիւ , ոչ թողու զճրագն ընդ
 գրուանաւ , այլ 'ի վերայ աշտանա-
 կի գիտողութեան գնէ . զի ամենե-
 քին որ 'ի տան եկեզեցւոյ իցեն' ըղ-
 լոյս գիտութեանն տեսցեն : Եւ
 ձեռնագրեալ լինի յաթոս մեծի
 մայրաքաղաքին Տարսնոյ Ալուլիկե-
 ցւոյ . մանաւանդ եթէ անօթոյն
 խակ ընտրութեան յաջորդ . զի և
 ոչ տարողէս է ասել , նորին խակ ա-
 ռաքելահան մատակարարութեանն
 շնորհի զբացայայտոյն իւրոց խոր և
 անհուն խմաստից , յիւրոցն կոչել
 վերակացութիւն քաղաքի , զառ
 յինքենէ քարոզս բացատրապէս
 հրատարակել :

Իսկ նորա 'ի բարձրագոյն յայս
 կոչմանէ խուսափեալ , անկար առ
 վերակացութիւն ժողովրդեանն Աս-
 տուծոյ զանձն համարեալ , Դժուար-
 ըին , տակուլ , միջնորդ ընդ Աստու-
 ծոյ և ընդ մարդկան լինել : Քանզի
 գիտեմ ստուգութեամբ , որք հո-

գարարձութիւն հօտից յանձն ա-
 ռին, որպէս ընդ անձանց և ընդ ժո-
 ղովորդեանն՝ ունին սալ համար ա-
 ւանդողին զնոսա երկնաւոր հո-
 վուապետին. և շատ ինձ խմոց սար-
 տեացն ծանրութիւն, հիմ և զօ-
 տարացն 'ի վերայ յաւելուցում,
 մանաւանդ զի և անհարթ մարդկան
 են կենցաղավարութիւնք, այլք այլ
 իմն ունին ընթացս օտար 'ի մի-
 մեանց. ոմանք բնաւորականս, և
 կէսք ներդործականս յընդդմա-
 բաժանեալ տեսակս՝ ըստ ախտիցն
 զանազանութեան զբարոյսն կեր-
 պարանեալս, յառեծ, յինձ,
 գայլ, աղուէս, իժ, քարք, խոզ,
 արջառ, ձի, ոջխար, և որ նոյնպի-
 սիք. և գժուարին զսոսա 'ի մի վայր
 ըստ հովուականն ածել օրինի. խա-
 ղաղութեամբ զգծնացեալս ըստ իւ-
 րաբանչիւրոցն հարկաւորեալ ձեւա-
 նալ, կամեցողացն զնոսա շահել.
 ըստ որում յայտոսիկ քաջավարժն
 աղաղակէր. Եղէ ընդ հրեայսն իբ-
 րեւ զհրեայ, ընդ անօրէնսն իբրեւ
 զանօրէն, ընդ տկարսն որպէս ար-

կար, և ընդ ամենայնի ամենայն, զի զամենեւեան շահեցայց: Այս ամենայնի անկար զանձն վարկուցեալ, հրաժարէր 'ի սպառուոյն և յաստիճանին ծանրութենէ. Կաւագոյն զօրավարի, ասէր, ոչ կարողի բարւոք զօրականացն առնել զվերակացութիւն հանելով և ածելով ըզզօրսն 'ի հանգիսի' ընդ այլոյ ումեմն քաջահանձարի զինքն դնել վերակացութեամբ. և նաւուղղի ուրուք ընդ ծովականսն անկարացեալ սրատերազմել փորձութեանն՝ ընդ խոհեմագունի լինել և նաւապետութեամբ, քան անձին և նաւաստեաց լինել դաւող անընտրողութեամբ. նոյն և բժշկի քան անհմտութեամբ զյոլովս մահացուցանել, ընդ ճարտարի ուրուք և զանձն դնել բժշկութեամբ:

Է. Չայս ամենայն զմտաւ ածելով, որպէս 'ի ծովական ալեաց վտանգեալ 'ի նաւահանգիստ անգորր փութայր զամայութեանն ողջունէր զկեանս: Ընդ Յովհաննու և

ընդ Եղիայի յանապատի բնակել
 յօժարէր . զխորհուրդն գործ արա-
 րեալ 'ի նկատեալն տեղի փութայր ,
 'ի մարմնի ընդ անմարմինս՝ անմար-
 մնական վարուք հանդիսանայր , ըզ-
 նախնեաց հարցն առաջի աչաց ու-
 նելով վարուցն կէս՝ չանցանել
 ընդ նոյն ձեռնարկէր : Սակաւուք
 ճգնողակից եղբարքք զառաջինն
 բնակէր իբր զնախակրթութիւն իմն
 առաջիկային , զի նախ զհնազանդու-
 թեան և զխոնարհութեան լցցէ օ-
 րէնս , ըստ սարասի անապատակա-
 նաց՝ իբր 'ի վարժս կրթութեան
 մանկունք , և ապա զինու յաղթու-
 թեան սպառազինեալ ախոյեան ել-
 ցէ գիմամարտին մենամարտիկ հան-
 դիսիւ . զի մի անփորձաբար յաս-
 պարիզին ելեալ զէնընկէց յանդի-
 մանեացի : Յորում և բնակէրն բա-
 զում խոնարհութեամբ և հեզու-
 թեամբ ընդ եղբարս զնուաստա-
 գոյն սպասահարկութեան լցուցա-
 նելով զչափ լռութեամբ բազմաւ .
 'ի դէպ ժամանակի զպատշաճսն խօ-
 սելով սիրով առ ամենեւեան 'ի

ճայն չափաւոր, 'ի բանս կարգաւոր, 'ի կերակուր սրակեշտութեամբ, յաղօթս մտաւորութեամբ, 'ի տքնութիւնս ծուծկալութեամբ, յընթերցումն անձանձրոյթ, յարտասուս անընդհատ, ծով առնելով ջրով զգլուխ, և աղբէւր զաչս արտասուաց. նստելով լռիկ 'ի տան, և տալով հոգոյ զբերան, զգիշեր ամբ առնէր արթնութեամբ, և ըզտիւ գիշեր անզբաղութեամբ:

Եւ զայսոսիկ կատար զհանգէսն համարեալ, եթէ ոչ մերկացի յասպարիզին իւղով աստուածային շնորհին օծեալ, որով և զբռամբ վերագնեկեացէ: Եւ անդ առանձնացեալ սկիզբն վարուց առնէր, ըստ որում 'ի տեղեաց փոփոխումն և վարուց առաւելութիւն, և անօգուտ ըզխորինն դնէր անասատ, եթէ ոչ և յառաքինութեանցն խորս գիմեացէ, նախաշաւիղ յոր մինչեւ ցայն վայր մեծին լինէր հանգիսի: Եւ ասպա զի՛նչ առնէր. ըստ նմանութեան զօրավարաց որ 'ի տեղիս մատչին մարտին, հանգէս առնեն զօ-

րաց . նոյնպէս և նա զառաքինու-
 թեանցն զինուորս 'ի հանդիսի կա-
 ցուցանէր , զկառս մարմնոյն զգայ-
 ութեամբ ընդ հոգեկանան լծեալ ,
 'ի վերայ խոհականին բաղմէր կա-
 ռավար : Եւ յայսոսիկ յոլովք յա-
 ռաքինութեանցն զինուորաց ինքնա-
 կատարք յամայութեան վայրի լի-
 նէին , և ներհակքն ենթադրեալք ,
 այսինքն՝ բամբասանք , հայհոյու-
 թիւնք , գատարկաբանութիւն ,
 ստախոսութիւն , երգմնահարու-
 թիւն , կեղծաւորութիւն , մարդա-
 հաճութիւն , շողմոգութիւն , երկ-
 բանութիւն , ատելութիւն , չարա-
 խօսութիւն , ռխակալութիւն , զըր-
 պարտութիւն , յափշտակութիւն ,
 նախանձ , թշնամութիւն , հարըս-
 տահարութիւն , լուտանք , հակա-
 ռակութիւն , անհնազանդութիւն ,
 կռիւ , սուտ վկայութիւն , թողում
 ասել և որ 'ի սպանութեան , 'ի
 շնութեան , և 'ի գողութեան , և որ
 նոյնպիսիք են բանք : Քանզի ահա
 այսոքիկ և առանց աշխատութեան
 յայնպիսում կեանս կատարին :

Թող զոր դիւրաբար և այլքն զկնի
հետեւին, մեծամեծքն և բարձրա-
գոյնք. յորմէ և աստուածխօտու-
թիւնքն անդբաղապէս և մտաւոր
ջերմագոյն և անընդմիջելի մշտա-
ղեղ արտասուօք. մինչ զի և ոչ
գանդաղել ասել ընդ Դաւթայ.
Եղեն ինձ արտասուք իմ կերակուր
'ի տուէ և 'ի գիշերի: Նա և զկե-
րակրոյն հարկ վճարէր՝ ոչ ինչ կա-
րի հեռաւորութեամբ յանմարմնոցն
յանկարօտութենէ: զի 'ի կշիռս
նուազս այնոքիկ չափեալ, և այն
բազում անգամ արբանեկին ստու-
գեալ, 'ի տեղւոջն յորում լռու-
թեամբ զանաւելորդն դնէր կերա-
կուր, 'ի միւսումն դալատեան՝ ողջ և
կամ խուն ինչ նուազութեամբ
դասանէր:

Այսպէս գումարումն առնէր զօ-
րացն, որով և ընդ իշխանի օգոյս որ
ընդ երկնաւ, ընդ այսս չարութեան
զօրեղապէս տայր սլատերազմ. 'ի
լրումն ասացելոյն թէ՛ Տեսանէի
զսատանայ անկեալ յերկնից իբրեւ
զփայլակն. ահա ետու ձեզ իշխա-

նութիւն կոխել զօձս և զկարիճս,
 և զամենայն զօրութիւն թշնամւոյն,
 և ձեզ ոչ ինչ մեղանչիցեն: Այսպէս
 ամենայնի յաղթող լինելով ախ-
 տից, 'ի յողով ժամանակս բազմա-
 պատիկ ձգնութեամբ յանցաւորու-
 թիւն ելանէր, որ պսակ յաղթօ-
 ղացն 'ի հանդիսագրէն պարգեւի:
 Որոյ կատարած զինչ. եթէ ոչ ըստ
 անչարչար բնութեամբ եղելոցն
 յԱստուած իմացականապէս հպա-
 ւորութիւն, և 'ի հպաւորութենէն
 յայնմանէ հոսումն իմաստութեան
 և լութիւն յաճախ գիտութեան.
 ըստ որում և այնմիկ մերձաւորք են
 և անուանին: Քանզի զմտացն բա-
 ցեալ բերան, ձգեաց զհոգին իմաս-
 տութեան ընդարձակմամբ սրտի.
 իբր զայն որ 'ի գերակատարն իմաս-
 տութենէ վկայեցաւ գեր քան զա-
 մենեցուն ընդարձակել զսիրտ 'ի
 բազձաձումն հանձարոյ. և մշտա-
 հոս բղխէր իբրեւ զաղբէր, յա-
 ռաջէր որպէս զգետ, ծաւալէր
 իբր զծով. ըստ այնմ. Յարիցեն
 գետք 'ի գնացս իւրեանց. յորոց

ձայնէ սքանչաւոցին զքօսանք ծովու .
 զոր մերձակայ անապատաւորացն
 տեսեալ սքանչանային , և փառա-
 տային Հոգւոյն շնորհաբաշխի . և
 մեծաւ թախանձանօք հայցեալ 'ի
 նմանէ զբացատրութիւն եկեղեցա-
 կան զարդու և սքանչելատիս կար-
 գաց որ նմին , և զնորհուրդ փրկա-
 կան բաշխմանն մարմնոյ և արեան
 կենարարին , եթէ առ ինչ զխա-
 ւորութիւն յեկեղեցւոջ կատարի :

Ը . Իսկ ծառայն հաւատարիմ
 զաւանդ արծաթոյն տեսան իւրոյ
 ոչ կամեցաւ ծրարել 'ի ծուլու-
 թեանն վարչամակի և 'ի դատար-
 կութեան թաղեալ յերկրի , այլ
 տալ 'ի տրապիզիտս՝ որով կրկնակքն
 յաճախեն պաղածնութիւնք . և ու-
 րախութեան մտից հորդի շաւիղ .
 ձեռն 'ի գործ արկանէ բացատրու-
 թեանն քահանայապետական զար-
 դուն , և որ 'ի նմանէ խոնարհ ա-
 տիճանք յերիս երրեակս տարորո-
 շեալ 'ի ախպ վէհիցն և գերազարդ
 քահանայապետութեանցն , և զե-

կեղեցի՛ սուրբ՝ երկնի և միանգա-
 մայն որ ՚ի նմա խմանի սորայս գա-
 ղափար, և մեզ լինել տաճար կեն-
 դանի և բնակարան Երրորդու-
 թեանն : Զի՛նչ ապա և յաղագս
 մեծն և հրաշալի մերոյ փրկու-
 թեանն խորհրդոյ, եթէ զխորդ ըն-
 դարձակ բանիւ և մանրամասն քըն-
 նութեամբ զկարծր զայն և անճա-
 շակ անկիրթն լիգաց ծասքողական
 մանրեալ ատամամբք խուղման, տայ
 ՚ի ճաշակ աղայացելոցն ՚ի Քրիս-
 տոս . որոյ հալողական սփռումն
 յանձնական մասու՛նս զայն ինչ ՚ի
 աղայութեան եղեալն յանկարծո-
 րէն ՚ի կատարեալն ցուցցէ բարձրա-
 ցեալ հատակ, այսինքն թէ զի՛նչ
 խորհուրդ մարմին և արիւն լինելոյ
 Բանին և նովաւ գալ ՚ի չարչարանս
 խաչի և մահու, և ամենեցուն վասն
 փրկութեանն զմահ ճաշակեալ . և
 կամ զխորդ զնոյն խորհուրդ անճա-
 ուելի ՚ի հաց և գինի աւանդեաց ա-
 շակերտացն, և ո՛րքան ՚ի նմանէ շահ
 հաւատով և յուսով ճաշակողացն,
 և ո՛յց զչնորհաբաշխութեանն ան-
 խաիր սփռէ զճառագայթս :

Եւ ոյք դարձեալ 'ի մեծէն
Թափուր եղեալ 'ի շնորհէ, միան-
գամայն և զամենայն զխոչ և զխուծ
որով քարընդոտն ընթացողքն լի-
նէին տգիտութեանն և թերահա-
ւատութեանն գլորմամբ, աստուա-
ծային բրշաւ բանին տապալեաց,
և անմոլար և առանց սայթաքելոյ
հորդեաց պողոտայ, որք աներկ-
բայ հաւատով 'ի սոյն հեռեւին:
Նաեւ զորաւոր առ այս քան զբան
որ արդեամբքն առ յինքենէ տայր
վարդապետութիւնն անյաչաղ ա-
կամբք տեսողացն: Զի ո՞ որ էր
որ զգուշութիւն նորա 'ի խոր-
հրրդեանն սուրբ տեսանէր, և ոչ
գայր 'ի գիտութիւն անճառ խոր-
հրրդոյն: Ո՞ որ զլի երկեւղիւ նո-
րայն հայէր զկերպարան, և ոչ զա-
հաւորութիւնն իրին նկատէր: Ո՞
որ աղբեւրաբար արտասուացն հո-
սումն յառէր, և ոչ վաղվաղակի
զառ 'ի նմանէ զանկապտելի բա-
րեացն պառւղ կթէր: Ո՞ որ զզգալի
նշանակացն կերպ տեսանէր, և ոչ
խակոյն յիմանալեացն տեսիլ փոխար-

կէր . զի պատկառանք և շուք երե-
 սացն , զաստուածութիւնն առաջի
 կալ յայանէր . և հեղաբար արտա-
 սուեացն իջումն զկենարարին չարչա-
 րանս և խաչի իմաստութեամբ հայ-
 եցողացն վարդապետէր : Եւ անձ-
 նական խնդութեանն ցոյց մահու
 պատարագելոյն զի մեղացն մա-
 հուանէ կենդանութիւն քարոզէր ,
 և աշխատութեանն երկօք անխոնջա-
 պէս կալ 'ի սպասու՝ յաշխատութե-
 նէ հանգիստ նովաւ դուշակէր , և
 խոնարհութեանն դէմք զբարձրն
 բարձանց մերձ ուսուցանէր , խոր-
 հրրդականն զգեստ զպանծալին
 զարդ մաքրականն 'ի ներքուստ վա-
 րուց բացատրէր : Պաշտօնէիցն
 խումբ զհրանիւթիցն անիմանալի
 ձայնակցութեամբ փառատրու-
 թեանցն կցորդ լինել պատմէր ,
 քաղցրահայեացն տիալ զսիրոյն ճրչ-
 մարտի հսրաւորութիւնն յայանա-
 բանէր , և բոլորին որ 'ի նմին տե-
 սիլք արտաքին՝ ներքնագունիցն էր
 հրապարակող . բաւականք այնոքիկ
 իբր խթանաւ իւրք զթմբբեալն

զարթուցանէր, և զճոյլսն և ըզ-
 հեղգսն 'ի նախանձ բարեպաշտու-
 թեան յարուցանել: Ար թերահա-
 ւատութեան ալեօք տարբերին՝ հա-
 ւատոյն նաւու անգորրեալ, և որք
 յուսահատութեանն հողմոյ բերին՝
 քաջայոյս նովին հասաատել, և որք
 ագիտութեանն ախախւ ծնգին՝ ձե-
 ուրնտուութեամբ հանճարոյն կան-
 գնել: Քանզի քաջարուեստ կազ-
 միչն ամենից հայելի եդ զնա 'ի մի-
 ջի, արձան հաստատուն կանգնեաց,
 զի յողդողգքն կազգուրեցին, աչ-
 տարակ անսպարտելի կառոյց, զի
 փախուցեալքն պատսպարեցին, և
 բժիշկ խմաստուն յայանեաց, զի որ
 հիւանդոտք են առողջացին: Չահ
 լուսոյ պայծառացոյց, զի կուրա-
 ցեալքն նովաւ լոյս սեպեն: Ծառ-
 բազմասպտուղ անկեաց, զի այնու
 ազգք կերակրեցին, աղբեւր յոր-
 դահաս բղխեաց, զի որ տապացեալք
 իցեն զովացին, խորան հովանւոյ
 սիռեաց, զի անյարկքն տաղաւա-
 րեցին, քաղաք ամրագոյն փակեաց,
 զի 'ի կերտղէն յասպահովացին, հո-

վիւ իմաստուն կացոյց , զի պահպա-
 նեացին 'ի պատառողէն . շտեմարան
 դանձուց շնորհեաց . զի աղքատքն
 փարթամասցին : Եւ ամենայնիւ
 յամենայնի ախտանացու իւրաքան-
 չեւր հասակաց մարդկան և վարուց
 լաւագունիցն առաջնորդութեամբ ,
 և յոչ նոյնպիսեացն խոտորմամբ :

Յայսոցիկ համեղութեան պտղոյ
 ճաշակեալ , և 'ի քաղցրութեան
 ուղից զմայլեալ եւս զներքսագոյն
 սորին կանոն խուզէին , զոր առձե-
 ուրնպարաստ նիւթ մաղթանաց ա-
 մենեքեան յանձին բերէին . որով
 առ ելս վերին անձնականին լինէր
 զօրութիւնն՝ զնոյն հայցմամբ առա-
 ջի արկեալ խնդրէին զբացատրու-
 թիւն զաստուածիմաստ հոգերգու-
 զին նուազ՝ որ միշտ յեկեղեցւոջ
 սրբում աննուաղ ձայնիւ պաշտի .
 որպէս զի մի անբանաբար , ասեն ,
 սաղմոսերգութիւնն 'ի մէնջ լինիցի .
 այլ լեզուոյ ընթացս լծակից և ըզ-
 մասցն կարասցուք առնել զօրու-
 թիւն : Քանզի յար նովաւ խօսե-
 լով զհամեղութիւն ճաշակեւեացն

քաղցրութեան առնուլ ոչ զօրեմք :
Իսկ նա , ոչ ծանրացեալ , այլ զօրէն
մանկանց դեռածին մարց , որ զկա-
թինն ճմլել սիրեն զառաւելու-
թիւն առ 'ի մանկանցն սնունդ վայ-
ելից . այսպէս և երջանիկս հայր՝
զաստուածային կաթն իմաստից 'ի
մտաւորն սանդիեցաց ճմլեալ տայր
յարբումն վարդասպետութեամբ
հոգւոյն ծնելոց :

Սկիզբն այնուհետեւ առնէր՝ ըստ
բաղմազեղն որ 'ի նմա հոգւոյն շնոր-
հի՝ գրել զմեկնութիւն կատարելա-
գոյն թուովք չափելոց Գաւթայն
սաղմոսերգութեանն : Որպէս աս-
տուածային շտեմարանացն գոլով
պետ , այնպէս աննիազաբար ա-
ռեալ բաշխէր կարօտելոց . ոչ զլա-
նայր զծառայակիցս 'ի տէրունեացն
աւանդից ոգւոյ կերակրոց . գրիչ
առնէր զլեզուն հոգւոյն իմաստից՝
զնոյն շարժողի , կցորդ և զմատունս
երկօք վաստակոց 'ի նիւթս քար-
ափ : Ի խորան մտանէր արքունական
գանձարանին , զոսկին մաքուր և
զարծաթն ընտրեալ ընդ պատուա-

կան քարանցն արտաբերեալ՝ որք այ-
 նոցիկ կարօտք են՝ բաշխէր : Չհացն
 կենդանի զոր որք լւտենն ոչ մեռա-
 նին՝ սովեցելոցն նմին ընձեռէր . զի
 մասաութեան արբուժմն ՚ի հնձանաց
 անտի որ ծարաւիքն են արբուցա-
 նէր . զանծառքելին ժանեացն ճը-
 ճեաց զընորհի հոգւոյն ծածկոյթ ,
 որք սառուցեալքն են՝ զգեցուցա-
 նէր . արիութեան զինուք որ քա-
 ջամարտիկքն են ՚ի ճգունս շորեղա-
 սէս սպառազինէր : Եւ թէ ումէք
 ըղձալի իցէ անհետազօտելի աս-
 սուլածային խորոցն լինել հասու ,
 զնա ընթերցցի . եթէ ասսուլածա-
 բանական ոք կարօտ ճառից լիցի՝
 ՚ի նմանէ զլրումն ընկալցի . և թէ ՚ի
 տնօրինականի գիտութիւնն ախոր-
 ժէ գալ խորհրդոց՝ նմա հետեւես-
 ցի : Եթէ զոգւոյ առ մարմին զու-
 գակցութիւն և զընդդիմակայումն
 հայցեսցէ՝ ՚ի նա յեցցի . եթէ զգայ-
 ութեանցս յարմարութիւնն և զա-
 սուժմն խնդրեսցէ՝ առ նա ընթացցի .
 եթէ զբնաւորականն և որ եկա-
 մուտք բացատրոհել ոք ախորժէ , ՚ի

նա յարեացի : Եթէ զթշնամւոյն
 դաղտնաձիգ նետաձգութիւնս ակ-
 տաւորական շարժիւք իմանալ ոք
 կամեսցի, զնա մի թողցէ . եթէ զե-
 ղանակ դիմագրութեանն նոցին հայ-
 ցեսցէ, իբր աւանդեալ պահեստ
 առցէ : Եթէ զվերակացուս ակտից
 քննեսցէ, նովաւ ուսցի . եթէ
 զառաքինութեանցն սեպհականել
 ստացուած կամեսցի, 'ի նմանէ մի
 հեռասցի . եթէ զչարութեանցն 'ի
 բաց թօթախման յարացոյց խնդրէ,
 նմա դիրկս արկցէ : Եթէ զլէհիցն
 առ մեզ ծածկապէս վերակացու-
 թիւն իմանալ խորհեսցի, նմա ըն-
 տանեսցի . եթէ զչարութեանցն սո-
 վորութիւն հատանել յօժարի, նո-
 վաւ իմաստնասցի . եթէ զբացա-
 կանսն բարիս կոչեսցէ, 'ի նմանէ
 խրատեսցի . եթէ պատրաստի հեր-
 քել չարին զօրութեանն, 'ի հաղոր-
 դութիւն զնա ընկալցի . եթէ կցոր-
 դութեան վերնոցն ձեռնարկեսցէ,
 զնա 'ի խորհուրդ տացէ . եթէ ըզ-
 կենցաղոյս ընդունայնութիւն տե-
 սանել խնդրէ, 'ի նորայն հայեսցի

խրատ : Եթէ ստորնայնոցս մոռացման բաղձայ, հանճարով նորին վարեացի . եթէ զնոր նիւթոյս՝ յոչինչ գնել հաճեացի, յառաջնորդութիւն զնա ինքեան առցէ . եթէ ՚ի կանգնուսն անկեալ փութացի, ՚ի նմանէ ձեռնկալեացի . եթէ մեղուցեալ զղջման կարօտի, նովաւ առայս օժանդակեացի . եթէ շնորհին չափ գիտել մաղթէ, ոչ ուստեք քան թէ ՚ի նմանէ հայցմանն հասցէ . եթէ զօրական որ աստարիզին խնդրէ զմարտի վրէժ, պետաւ նովաւ կրթեացի . զի առ ամենայն զօրէ, ամենից բազուկ կարկառէ, ըզբոլոր ցնծալի զախուր առնէ, համայն ուժգնութիւն տկարաց շնորհէ . այսքան և այնպիսի որ առ նայն հային՝ սլարգեւէ :

Իսկ զմեւսն ո՛ր եզից, որ ամենայնի գերաբնութեամբն յաղթէ . զիմաստանոյն ասեմ իմաստանոց՝ և որ հանճարն է հանճարեղաց . որ յիմաստիցն տուողէ գովեցաւ անբաղդատելի գոլով համայնից . որ և ՚ի նախնեաց հզօր մեկնչաց տիրապէս

անթարգմանելի : Բայց թէ գուն
 ուրեք ըստ մասին 'ի խորհրդոցն ե-
 դեւ ճառելի , որ ապացուցիւ ան-
 թուելի բաղդատութիւն եկն եղա-
 նակաց , և որ զունայնութիւն սնո-
 ւի կենցաղոյս՝ որպէս են՝ մեզ բա-
 ցայայտեաց , և զհեռեւեւոցն զան-
 մտութիւն ըստ ոչ ում օրէնն էր՝
 բանիւ ճառեաց : Եթէ զիմրդ ըզ-
 հիւսս բանից անյայտութեամբն
 պարփակելոց 'ի լոյս տեսութեանն
 ածեալ դիւրալուր բանիւ քարո-
 ղեաց . և զոր 'ի նմանէ զօրեղն խոր-
 հուրդ ըստ նոյն աւանդիցն հրաշա-
 բանեաց : Զոր թէ զայլովքն զամե-
 նեքումքք զանց արարից , 'ի վերուստ
 առ 'ի նմա պարգեւ շնորհի , այս
 միայն բաւական 'ի հիացումն ածել
 զլսօղս : Եթէ զօտարացեղան և զայ-
 լազինան կարծեալ կարգ բանից ,
 զիմրդ ըստ յարմարութեանն ան-
 ստերեւր բերեալ մտաց տեսու-
 թեանն , որ թէ 'ի բացատրութեանն
 պատկանութիւն ոք նայեցի , քան
 զամենայն որ ինչ հայելի դիտման
 մտաց կարգն ծանիցէ : Թողից և

զայլան ամենայն հանճարիմացն մեկ-
նողութիւնս մանաւանդ թարգ-
մանութիւնս հողեշնորհ տառից՝
զոր յայլասեռ լեզուաց թարգմա-
նեալ եկեղեցւոյ շնորհէր մանկանց,
զվարս հարցն սրբոց, զխրատականն
ճգնաւորաց, զսահմանադրութիւն
միաբանակեցաց, զվկայութիւն նա-
հատակաց, զմեկնութիւն կտակա-
րանաց . որով ամենեքումքս այսո-
քիւք շքեղաշուք սլճնեալ զար-
դարեաց զեկեղեցւոյ բարեձեւու-
թիւն :

Թ . Յայտասիկ և զօրութեանց
խառնին հրաշք . այսոց հալածումն
և աստից բուժումն , զի յոլովից
յայտնեաց վտանգից բժշկութիւն
շնորհէր աղօթիւք . որ և անկարա-
ցեալք կալ առաջի աղաղակաւ ըզ-
փախուստ առնէին . զի որ զնիւթա-
կանաց այսն հալածեաց հանդերձ
նոցայովքն արկածիւք յողի ըստ
կամաւոր քաջահաճութեան , իրա-
ւասէս ՚ի մարմնոց մարդկան հերքէր
զակամայն բռնադատութիւն , զի

Փառաւորէ զփառաւորիչսն , ըստ
որում անսուան է բան խոստմանն :

Այսպիսեացս յաճախութեամբ ,
և մանաւանդ իմաստիցն և վարուցն
լուր համբաւոյ յամենայն ուրեք տա-
րածէր . որ և բազումք երթային և
գային զօգտակարս իւրեանց հայցե-
լով . իսկ սրբոյն գթուարեալ ընդ
լուր համբաւոյն , տարաշխարհիկ լի-
նեւ ասորժէր . զԵգիպտացն ըն-
թեռնելով 'ի նոցին տեղիս փափա-
գէր . նա և զմեծի և առաքելաշնորհ
հօրն մերոյ և Ղուսաւորչի զմենաս-
տանեացն լուեալ ըղձայր թերեւս 'ի
նոյն լինել տեղի ըստ նախասացեալն
խորհրդոյ : Ասան որոյ երկիցս և ե-
րիցս միով արբանեկաւ յուղի ան-
կեալ զանխլաբար յամենեցունց 'ի
նախանկատն ժամանել տեղիս , և
յուլովս հեախոտս հատեալ անցեալ
յերկարութիւն ճանապարհին , բա-
զում աշխատութեամբ և պատառ-
մամբ ոտից ըստ անսովորն այնոցիկ
եւոյ . այլ 'ի գլուխ ոչ ելեալ խոր-
հրդոյն , 'ի հեաամտացն բռնաբար
արդել լինելոյ . այլ նա յարաժամ

մեծաւ ցանկութեամբ 'ի նոյն թե-
ւակոխէր :

Արդ 'ի յայսքան վարուց մաքրու-
թեան և յորդախաղաց վտակաց ո-
գեշնորհ վարդապետութեան՝ եր-
կարածդեալ լինի ժամանակն . իսկ
որ յառաջախնամութեամբ մինչեւ
յայս ածեալ հասոյց՝ զկայ առնու
և դադարէ 'ի անօրէնութեանց , և
ոչ երբեք : Եւ զմինչ առնէ . յա-
ռաջ կոչէ 'ի նախաւանդեալ շնոր-
հին գործառնութիւն . որպէս թէ
ասիցէ արդէն , Ի բաց դիր զեր-
կեւղդ , հեռացիր 'ի կասկածանաց .
զի որ զսկարութիւնն փաստաբա-
նէիր իրողութեանն մեծի յանձն-
առութեանն , և անկար 'ի միջնոր-
դութիւնն մարդկան և Աստուծոյ
զանձն դատէիր , լաւագոյն ընդ իշ-
խանութեամբ այլոյ համարէիր ,
նախ քան որոյ 'ի քեզ իշխել սարը-
կաց , և այն ոչ տարադէսլ և ան-
խորհրդաբար , այլ հանձարոյ բարձ-
րագունի և կատարելոյ նախ քան
այլոյ կարգել իշխան՝ զժառայա-
կանան ստորագասել ախտիցն հոյլս :

Այլ արդ փութա 'ի գործ աւանդին, զի ահա զպատերազմ հարեր, զախոյեանն վանեցեր, զընդդիմամարան զգեանեցեր, զգոռողն կործանեցեր, զամբուժիւնն տապալեցեր, զդղեակն յատակեցեր, ըզբարձրավիզն խոնարհեցուցեր, ըզզէնսն փշրեցեր, զաղեղունս խորտակեցեր, զվահանսն հրով այրեցեր. վասն զի զախտսն ստորագասեցեր, զբնութեանդ յարձակումն նահանջեցեր, զիշխանականդ արացուցեր որ ընդ իշխանութեամբ հնազանդեցուցեր: Եւ ոչ է պարտ յայսմ հետէ քաղաքի լինել 'ի թաքստեան, որ առաքինութեանն շինին շինեալ, և ոչ հաճի ընդ ծածկութի, որ աստուածային է հրով լուցեալ. այլ յայտ յանդիման որոց հանդերձեալն են վայելել գնիլ: Ասան որոյ փութա, զի հօան աւանդեալ քեզ գազանակուր է. բանական ոչխարքն փողտակալ, անբիծ գառինքն 'ի գայլոցն կեղեքեալ. այդին վայելուչ տապականեալ 'ի գազանէն, անդն քա-

ջաբեր՝ անտառամուլ 'ի չգոյէ մշա-
 կողի . հարսն ողջախոհ , անխառու-
 նակ , զփեայն ոչ ունելով պսակ .
 կողոպտեալ ողջախոհութիւնն , մեր-
 կացեալ ոսկեհուռն զարդ , քա-
 ռամանեակ պատուիրանին ոչ է ըզ-
 պարանոցաւն . գինդն կարկեհան
 ընդ սարգիոն յեռեալ՝ ոչ զունկն
 զարդարէ . ասպարանջանք բարեգոր-
 ծութեանն չէ 'ի ձեռին . զաաշխին
 ծրարս ոչ ունի ընդ ստեամբն :
 Այլ արի էջ վաղվաղակի հովուդ
 քաջ , զի մի առժեցես զհօան .
 փութա աշխատել մշակդ 'ի ցանկ
 արդել այգւոյն . երագեա երկրա-
 գործդ ժիր առ 'ի խլել զփուշն :
 յամանեա յարդարիչդ եկեղեցա-
 կան դատու , զի պճնեսցի հարս-
 նարանն : Արդ յայստիկ շնորհն
 վարեր 'ի ձեռին , որ ընդ այն ու-
 նէր ժամանակ զհոգաբարձութիւն
 հանուրն զխողութիւն հանդերձ
 ժողովրդեամբն . որ 'ի հովուէն քաջ
 զրկեալ էին , 'ի խնդիր ելանէին
 հրամանաւ հեղինակին , աղերս ար-
 կանէին , արտաբուօք մաղթէին .

քանզի տեսանէին զլոյսն 'ի բացեայ
 և զինքեանս յաղջամուղջ. զբժիշկն
 հեռի, և զինքեանս ախտացեալ.
 մեկուսի զաղբեւրն, և ծարաւի զին-
 քեանս. անձեռնհաս զգանձն, և
 զինքեանս 'ի խոր աղքատութեան.
 զուրախութիւնն անջրպետեալ, և
 'ի արամութեան զանձինս :

Իսկ զի՛նչ ախտակիցն ամենայնի և
 հաղորդ վշտաց, 'ի տարակուսանս
 անկանէր, յանհնարս մտանէր, երկ-
 բայութեամբ զառածանէր, յեր-
 կուս կայր 'ի վերայ շաւղաց յառա-
 ջելով և նուաճելով, ընդ անտե-
 րունչ լինելն հօտին դժուարէր, և
 ընդ անապատէն զոփէր. կարեւոր
 զքաղմացն շահել փրկութիւն՝ հա-
 մարէր, և զանդբաղութիւն անա-
 պատին զլանալ ոչ յօժարէր : Յա-
 ռաջ կոչէր որ յոքունցն էր օգուտ,
 և յետս ընկրկէր որ անձինն էր
 տոյժք. զանընդմիջաբար խօսակցու-
 թիւնն Աստուծոյ յիշէր, որ անա-
 պատականն էր կենցաղս ձեռնտու,
 և ոչ հայցողացն զինքն տայր, և որ
 զքաղմացն նուիրէր մաքրութեամբ

անձինս Աստուծոյ 'ի հաւատարմու-
 թիւնն յորդորէր : Քանզի գիտէր
 իսկ թէ քաղաքայինքն զբօսանք ժը-
 խորէն զանապատին վճիտ տեսու-
 թիւնս . և բազմահոսանքն բանք ըզ-
 լուութեանն եղծանէ օրէնս : ԶՊաւ-
 զոսին ասլա կրէր զկիրս , Ելանել 'ի
 մարմնոյ աստի և մտանել առ Աս-
 տուած փափագեմ , և մնալ աստէն
 կարեւոր եւս վասն ձեր : Եւ ոչ այս
 միայն , այլ և յանաստութեանն իրէ
 երկուցեալ զհնազանդութեանն
 պատուէր օրէնս . քանզի 'արկ որ
 վերակացուն էր՝ բռնադատէր , ան-
 հրաժեշտ ցուցեալ զհրամանն . այլ
 և որ յանձնառութիւնն նախկին հո-
 վուութեանն հարկաւորապէս յայ-
 նոսիկ ձգէր : Այսն որոյ թէ և
 յերկրորդ կամաց , սայր զանձն
 խնդրողացն . խաղաղական և սիրա-
 լիր համբուրիւ ընդ արտասուաց
 յորդահոսանաց՝ ողջոյն եղբարցն
 առեալ՝ հրաժարէր 'ի նոցանէ , և
 յուրի անկեալ հասանէր անդ :

Անդանօր էր աեսանել անբերելի
 խնդութեամբ լցեալ զժողովուրդն .

ընդ առաջ բազում պատուով ելա-
 նէին քահանայականն խումբք յո-
 լովախուռն ժողովրդովք, մեծամե-
 ծօք միանգամայն և ռամիօք, զհո-
 վիւն քաջ տեսանելով յայցելու-
 թիւն եկեալ հօտին : Իսկ ոչ դա-
 տարկութեամբ տայր զանձն նո-
 ցա, այլ զբազմապատիկ իմաստու-
 թեանն 'ի վար արկեալ զբան եր-
 կնային մշակութեանն լինէր սատար
 անգանգաղ 'ի գիշերի և 'ի տուրն-
 ջեան, զաստուածախօս վարդապե-
 տութեանն սերմանս 'ի բանական
 յանգն սերմանէր, զպահպանու-
 թեան օրէնս խնամով ռեսուցանէր,
 եթէ ճրպէս 'ի ինասականն ապոյ,
 և հատաքաղ թռչնոյն, և հեղձա-
 կանն փշոյ, անվրէպ զսերմանան
 ապրեցուսցեն : Ի վերայ հասանէր
 ամենայնի ժամու և տարաժամու,
 յանդիմանէր ամենայն երկայնատու-
 թեամբ և վարդապետութեամբ .
 քանզի յուշ նմա մարդարեականն
 լինէր բարբառ . Որդի մարդոյ, գէտ
 կացուցի զքեզ 'ի վերայ տանդ Իս-
 րայելի . եթէ տեսանիցես զտուրն

եկեալ և ոչ ազդ առնիցես փողով,
 և եկեալ սուրն գտանիցէ զոք ան-
 պատրաստ, նա յանօրէնութեան
 իւրում մեռցի և զարիւն նորա 'ի
 ձեռաց քոց խնդրեցից: Եւ դար-
 ձեալ. Եթէ հովիւք Իսրայելի լուա-
 լուք, այսպէս ասէ տէր. միթէ հո-
 վիւք զանձինս արածէն և ոչ զոչ-
 խարս. քանզի զկաթն ուտէք և
 զսարն զգենուք և զգէրսն զենուք.
 և զբեկեալն ոչ պատէք, և զհիւանդն
 ոչ ողջացուցանէք. ահաւասիկ ես
 'ի վերայ ձեր հովիւք Իսրայելի, և
 գատեցայց ոչխար առ ոչխարի, և
 խոյ ընդ խոյի, և գառն ընդ գա-
 ռին: Յիշէր և զհիմանն եկեղեցւոյ
 որ առաջին զհովուութեանն 'ի ճրջ-
 մարիա հովուապետէն ընկալաւ ըզ-
 քան, որում և յանձն խիկ արար
 արածել զհօան. այն զոր գրէր առ
 հովուակիցսն. Արթուն լերուք և
 սկեցէք. զի ոսոխն ձեր սասանայ
 իբրեւ զառեւծ գոչէ, շրջի և խըն-
 գրէ թէ զո՞ կլանիցէ: Որում 'ի դիմի
 հարկանիջիք հաստատեալք հաւա-
 տովք. Արածեցէք որ 'ի ձեզ հօտդ

է Աստուծոյ, մի իբրեւ ակամայ,
այլ կամաւ ըստ Աստուծոյ. մի իբ-
րեւ տիրելով վիճակաց, այլ լինել
օրինակ հօտին, զի յերեւել հո-
վուապետին ընդ գուռնիցիք զանթա-
ւամ փառաց սլասկն: Ո՞չ ընտրու-
թեան սիւնն եկեղեցւոյ՝ քարոզն
ճշմարտութեան աւանդէր հովուաց
խրատ. Չգոյշ լինիցիք, ասէ, ան-
ձանց և ամենայն հօտիդ, յորում եգ
զձեզ հողին սուրբ տեսուչ և վե-
րակացու. քանզի գիտեմ թէ յետ
խմոյ ելանելոյ յաշխարհէ գայցեն
գայլք յափշտակողք որ ոչ խնայես-
ցեն հօտիդ, և ՚ի ձէնջ յարիցեն
արք՝ որք խօսիցին թիւրս ձգել զա-
շակերտսն զկնի իւրեանց: Չի՞նչ և
հովուացն հովուապետ Յիսուս,
Որ ոչ մտանէ ընդ գուռն ՚ի դաւիթ
ոչխարաց, նա գող է և աւազակ.
Իսկ որ մտանէ ընդ գուռն, հովիւ
է ոչխարաց:

Ժ. Չայտոսիկ և առաւել քան
զայս գիտելով երջանիկ հայրս և
վարդապետ զգուշանայր ամենայ-

նիւ 'ի պահպանութիւնն հօտին բա-
 ղում փութով և վաստակօք . քաջ
 այսոցիկ հովուաց ջանայր զինքն
 նման կացուցանել՝ դնելով զանձն
 'ի վերայ հօտին . երբեմն հասարակ
 օրէն վարդապետէր , և երբեմն ա-
 ռանձին ընդ իւրաքանչիւրսն խօսէր .
 բազմահմուտ ճարտարութեամբ՝
 ըստ որում սէտքն պահանջէր՝ զիւ-
 րաքանչիւր ոք որսայր . զոմանս սաս-
 տիւ յանդիմանէր , և զկէսս մեղ-
 մով խրատէր . զայլս ողորանօք
 դարձուցանէր , և զկէսս ահարկու
 գիւտօք նուաճէր . որք ասկերասանք
 և ընդվզեալք էին , գեհեհին այր-
 մամբ և տապարին հատմամբն կա-
 սէր . և որ զիւրալուրքն էին արքայ-
 ութեանն , յանբուժելի ցաւս էին
 ծնգեալք՝ արտաքին խարանաւ կրտ-
 րէր : Եւ որք զօրութեանն բուռն
 հարեալք՝ հանգստեամբ դրախտին
 հրճուեցուցանէր . որք սովորու-
 թեան չարեաց անլուծիւ հանգու-
 ցիւք կապեալք , անբուն որդանց
 խածանող ժանեօքն՝ խղէր . և որք
 'ի բարիս կրթեալ՝ 'ի հաւատոց հօրն

գող գրգէր . որք յարութեան յուսով զօրացեալք էին՝ հաստատէր . և որք յայնոսիկ հիւանդ , ողջացուցիչ բանիւք բժշկէր :

Եւ ամենայն ուրեք ընդդիմօք ըզներհակսն քակաէր . անաչառութեամբ յանդիմանէր , ոչ առնոյր ակն 'ի հզօրէ , և յաղքատս ոչ խնայէր . ոչ բռնաւորի երկեւղ նուաճէր , և ոչ տկարութեան տայր համարձակել , այլ ստուգութեամբ առ ամենեսին վարիւր . նպատակ առաջի աչաց միշտ ունելով որով և իցէ օրինակաւ զշահելն մեղմով և կամ խստութեամբ . որով և զամենեսեան ուռկանէր 'ի քարոզս աւետարանին : Ո՞րք եղեռնագործ լսելով զբան նորա , ոչ յատելութիւն վազվազակի ցրտութեան իւրոց գայր չարեացն : Ո՞րք հպարտ և ամբարտաւան , և 'ի լուրն հանձարեղն նորա բանի՝ խոնարհ և նուաստ զինքն ոչ ցուցանէր : Ո՞րք բարար և լկաի , և ոչ զողջախոհութեանն ողջունէր զվարս : Ո՞րք բարկացող , և զցասմանն ոչ շիջուցանէր զթոյնս .

ո՞ ստեղծութեան ծառայ չարի, և ՚ի
 սիրոյն ոչ փոխէր օրէնս . ո՞ յորո-
 վայնամոլութեան ներքոյ անկեալ,
 և սարկեշտութեամբ ոչ կրօնաւո-
 րէր . ո՞ արբեցութեամբ գոլով յի-
 մարեալ, և ոչ ջրմստութեամբն խո-
 հեմանայր . ո՞ յաչաղանացն հա-
 րեալ նեաիւ, և բարեմտութեամբ
 զինքն ոչ բժշկէր . ո՞ զնախանձու-
 ընկալեալ զսերմն, և ոչ յարգանօք
 ընկերին հրճուէր . ո՞ ստութեամբ
 սրով խոցտեալ, և ճշմարտու-
 թեանն ոչ լինէր ընարող . ո՞ ազա-
 հութեանն ախաիւ ըմբռնեալ, և
 ոչ սիւսէր և տայր աղքատաց . ո՞
 հայհոյութեանն լծով կապեալ, և
 ոչ արձակէր բարեբանութեամբն .
 ո՞ չարանուագութեամբն գահավի-
 թեալ, և ոչ յառնէր ՚ի կործանմա-
 նէն . ո՞ անգթութեամբ սարաւան-
 դեալ, և ոչ լուծանէր ՚ի յախտա-
 կցութիւն . ո՞ ընկերին դատմամբ
 ըմբռնեալ, և ոչ արդէւք զանձն դա-
 տապարտէր . ո՞ մարդահաճ ախաիւ
 գլորեալ և ոչ զայն ՚ի տեառնն վե-
 րաբերէր . ո՞ ծուլութեանն կրիւք

վատթարեալ, և ոչ արևութեամբ
 զանձն զարգարէր. ո՞ խղճիւ մտացն
 խարեալ, և ոչ 'ի բաց զայնուսիկ
 դնէր. ո՞ ոք զսկող և յափշտակող,
 և ոչ չորեքիկին զայն հատուցանէր.
 ո՞ ոք սատակիչ գողութեամբ կե-
 ցեալ, և ոչ վաստակով շատանայր
 ձեռին. ո՞ ոք երգամբ չարաչար
 վարեալ, և ոչ փափազամբ բերէր
 զուտանս. ո՞ ոք նենգութեան խոր-
 հրրդով վառեալ, և ոչ զւշի սիրովն
 շիջուցանէր: Ա՞յլ զկեղծեաց արն-
 կեալ զարման, և ոչ պարզու-
 թեամբ գօսացուցանէր. ո՞ զթշնա-
 մանաց աղեղն լարեալ, և ոչ խոր-
 տակէր զայն վաղվաղակի. ո՞ զգլխ-
 ութեանն սրեալ նիզակ, և ոչ ըզ-
 քարի զնա հարկանէր. ո՞ ոք զօխու-
 թեանն դարմանէր ճճի, և ոչ սատա-
 կութեան սովով սատակէր: Այս-
 սէս հուր էր կիզանող՝ աստուածա-
 բուղն շնորհացն բան ախտից ամե-
 նայնի. սուր էր հատանող 'ի վեր
 երեւեալ չարին՝ յարմատոց, ջուր
 էր ողողիչ զկեղտ հնութեան չարին
 արկածից:

ԺԱ. Մի՛ ի բաց ընկեցիկ աստա-
 նօր, և որ յիշատակին է արժանաւոր,
 լիցի : Քանզի ըստ թագաւորական
 հզօր հրամանի եհաս ժամանել սըր-
 բոյս յարքայանիստ քաղաքն Կոս-
 տանդնուպոլիս : Եւ զի նախ իմաս-
 տութեանն և առաքինութեանն
 հասեալ համբաւ ՚ի լսելիս ինքնա-
 կալին և սպարիարդին, յուր սա-
 տուոյ և մեծարանաց ՚ի նոցանէ լի-
 նէր ընդունակ . նա և ըստ բնաւոր
 նոցին իմաստասիրութեան, և յար-
 գանաց հանձարոյ ՚ի քննութեանն՝
 բանս արկանէին զաստուածային ՚ի
 մէջ առեալ կտակարանաց զի նոսա
 զանխուլ և դժուարաճառ բանս ա-
 ռաջի արկանէին . և զի յոքունց ի-
 մաստասիրաց էին ժողովք, ամենե-
 քեան ՚ի մի վայր գումարէին և ըստ
 սեփհական իշխանութեան զհարցա-
 կանսն ինքեանց առնէին, ՚ի նմանէ
 զուժմունսն սահանջեալ : Եւ էր
 տեսանել իբր զաղաւնի ՚ի մէջ բազ-
 մաց բազէից խուճասկեալ գուրով .
 երկեւղ իմն զառաջինն ըստ ատենին

ասհարկութեան բերեալ, սակայն 'ի
 հոգւոյն շնորհ խրախուսեալ յա-
 ռաջ մատուցեալ իմաստայեղջ հան-
 ճարով և հեղութեամբ առ պատաս-
 խանիսն՝ այնքան հաւանական տը-
 ւեալ, որ և անակնկալն էր 'ի նոցա-
 նէ. մինչեւ հիացմամբ պակնուլ 'ի
 զարմացմանցն, եւս ընդ միայնակն
 այլաբարբառ և տարաշխարհիկ գո-
 լով 'ի մէջ այնքան աթոռակալ ի-
 մաստասիրաց. և գովական բանս 'ի
 բարբառ իւրեանց առ ինքեանս
 հանրապէս նմա շնորհեցին. Ոչ որ-
 պէս լուաք միայն, ասեն, այլ գե-
 րագոյն եւս տեսաք: Իշխանութիւն
 ապա հարցման առեալ, գրով ըզ-
 հարցականսն աւանդէր. և 'ի բա-
 զում աւուրս հռետորացն 'ի մի-
 վայր գումարեալ խոկմամբ և ա-
 ռանձինն, էր ինչ զոր պատասխանե-
 ցին, և յոլովք այն յորս պարտե-
 ցան: Եւ այսպէս զարմանալի 'ի մի-
 ջի նոցա երեւեալ, բազում պա-
 տուով և ձրիւք 'ի թագաւորէն և 'ի
 պատրիարգէն անդրէն դառնայր:

Եւ զանց զբազում արարեալ

օթեւանօք 'ի սեպհականն ժա-
 մանէր գաւառ, առ թագաւորն
 և կաթուղիկոսն մեծաւ զհանդի-
 պումն արարեալ խնդութեամբ, և
 զսովորականն 'ի վար արկեալ վար-
 դապետական բանն, խրատէր և ու-
 սուցանէր, յանդիմանէր և սաս-
 աէր, միսիթարէր և ողոքէր. և 'ի
 տօնան մեծահռչակ և 'ի ժողովսն՝
 զիշխանան և որք ընդ իշխանութեամբ
 զառաջնորդան և որք ընդ ձեռամբ
 անյաջողապէս զամենեւեան խնա-
 մարկելով:

Այլ ոչ զանց առնելի և զներ-
 հակսն պարտ վարկանիմ, զի և ոչ
 նուազ 'ի բարեպաշտութեանն ցոյց
 որ բարեոքն խորհին, և այս խմանի
 ըստ այնմ, եթէ Յաշխարհի աստնե-
 ղութիւն ունիցիք, և թէ Ձիս հա-
 լածեցին, ապա և զձեզ հալածես-
 ցեն. և թէ, Ձբանն իմ պահեցին,
 ապա և զձերն պահեսցեն, և թէ,
 Աշխարհ զձեզ ատեաց, գիտասջիք
 զի նախ զիս ատեաց. Ձի եթէ զտա-
 նուտերն բէեղգեբուղ, բարեկամքն
 զինչ: Վարդապետն՝ սամարացի և

դիւահար , զինչ և աշակերտքն .
 տէրն՝ Յովսէփայ որդի , և ոչ Աստու-
 ծոյ , ըստ շարածուն լուծման ծա-
 աայքն իմ համարեացին լինել ընդ-
 ունակ : Քանզի թէ և բարեբարոյքն
 էին և հեղք , և ուղղութեանցն հե-
 տեւողք , մեծարէին և պատուէին .
 իսկ որք ծոյլքն էին և վատք և ՚ի հեշ-
 տութեանցն ՚ի վայր քարշեալք ,
 առարկու իմն յառնէին : Քանզի
 զբարեձեւութեանցն տեսեալ հան-
 դէս , ընդ իմաստայեղց բանս հան-
 ճարոյ՝ ոմանց յաչաղանքն զօրա-
 նային ըստ ՚ի բացեայ ինքեանց լի-
 նելոյն . քանզի բնաւորեալ է աստ
 նախանձու առ պատուակիցս և
 համարուեստս միշտ բուսանել , ըստ
 որում որոմն յատուկ ցորենոյ : Իսկ
 կիսոցն բանականքն կսկծելի հա-
 րուածք լինէին ըստ խղիսայթեալ վի-
 րացն մեղաց . մանաւանդ թէ յորս
 գասնէր երկիր արգաւանդ մշակն
 որոմնացան , զիւրն սերմանէր սերմ
 ատելութեան . և իբր զօրու՝ նոքօք
 յառնէր նմին ասոյեան : Զճշմար-
 տութեանն քարոզ և խոստովանող

և զհամագոյութեանն գաւանող
 ըստ հին և նոր կտակարանաց և սրբոց
 հարցն աւանդից ՚ի հերձուածոց
 կարծիս դատէին . և զանճառ
 Բանին ընդ մարմնոց միաւորու-
 թեանն գերագոյն և հրաշափառ
 նոր խառնմանն , և մի Արդի և տէր
 յերկուց բնութեանց լինելոյ բա-
 ցայայտող և հրատարակիչ և յամե-
 նայն եկեղեցիս ուսուցիչ , իբր զեր-
 կաբնակ հայհոյէին . և որ առաքե-
 լական աւանդից և հետեւողաց նո-
 ցին հետեւող եկեղեցական բարե-
 զարդ կարգօք և աստիճանօք , իբր
 այլադանդ թշնամանէին :

Այլ որպէս ցուցաւ սկզբնաչա-
 րին էր այս պատերազմ որ ընդ ա-
 մենայն սուրբս մաքառի , թերեւս
 առ լուտանացն չորելոյ ՚ի վհատու-
 թիւնս կործանեսցէ . իսկ քաջա-
 վարժն ՚ի փորձութիւնս անպար-
 տելի մնայր յայտոսիկ իբրեւ ըզ-
 վէմ անշարժելի ՚ի յափն ծովու ,
 որ յարակոծ ալեացն դիտմանց
 միշտ հարկանիցի անյողդողդ կայա-
 նաւորեալ . այսպէս և անդրդուելի

վէմս եկեղեցւոյ 'ի բիւրապատիկ
հայհոյական կոհակաց իբր զիմաս-
տութեանն տուն մնայր անշարժե-
լի, գիտելով զկռուակիցն և զօրի-
նակ յաղթահարութեանն : Ասան
որոյ կայր համբերութեամբ և տե-
ւէր ժուժկալութեամբ ամենայնի
'ի վերայ եկեղոց փորձութեանցն,
ոչ անգիտացեալ զպտուղն զոր կը-
թէր 'ի նմանէ զլուսաւորութիւն
իշխանականին և զքաղցրութիւն
ճաշակաց աստուածային սիրոյն :
Քանզի բնաւորեալ է ոգի՝ ըստ ո-
րում ոսկի 'ի հրահալելիս մաքրի՝
'ի փորձութեանցն պայծառանալ-
որ և ճեմականաց եղեւ բաղձալի,
Զեւս ասելով տեղասցի 'ի մեզ փոր-
ձութիւն :

ԺԲ . Այսօրիկ քահանայապե-
տին մեծի հանգէս, այս յառաջագի-
մութիւն և եւս քան զսոյն յոր ան-
կարանայ բանս ձգտիլ իբր 'ի գերա-
գոյնս ճառելեաց : Իսկ որ զկնիս,
զինչ : Իանգաղի յառաջատումս
բանս, 'ի կրկնակի վերայ կացեալ

շաղկապ, ոմն ձգէ, և միւսն ընկրկէ •
 ոմն ըստ քանիս ընթացից կարգի
 խիղախէ, և ոմն 'ի թշուառութիւն
 բնականապէս խուսափէ : Քանզի
 բնութեանս հարկ սրահանջէ և նա-
 խախտորհեալն անվրէպ ուղի յինքն
 ձգէ • մանաւանդ թէ յոքնամանա-
 կեայ բաղձանացն ընուն իղձք, որ և
 յարն աղաղակէր ընդ որս հեան-
 ւէրն • Եւրբ եկից երեւեցայց երե-
 սացդ Աստուծոյ, և Յանկայ և փա-
 փառէ անձն իմ 'ի դաւիթս քո, և
 Յանկամ ելանել 'ի մարմնոյ աստի
 և մտանել առ Աստուած • և Որ
 եմք ընդ յարկաւս ընդ այսուիկ,
 տաղտկամք ծանրացեալք • քանզի
 զբնակութիւնս երկնից փափագիմք
 զգե՛նուլ • քանզի ոչ գիտեմք զերե-
 ւելիսս, այլ զաներեւոյթսն • զի
 առժամանակեայ սա, և նա մշանջե-
 նաւոր :

Արդ եհաս որում ցանկայրն,
 ժամանեաց՝ որում փափագէրն, 'ի
 բաց գնելով ըղձիցն հանդիպել •
 քանզի ոչ անգիտանայր զառաջա-
 կայ կիտին կատարումն ըստ աս-

տուածային առ նա յայանու-
թեանն . որպէս թէ ասել , Չքն-
թացան կատարեցեր , զհաւատան
պահեցեր , զթշնամին ընկրկեցեր ,
զյաղթութեան նշան կանգնեցեր .
արդ երագեա 'ի պսակն , ժամա-
նեա 'ի հանգիսան , փութա 'ի բրա-
բիտնն , ընկալ զյաղթանակն , ընդ-
դրկեա զմրցանակն : Այսմիկ իրա-
գէտ եղեալ անբերելի լնայր խնդու-
թեամբ , և զգեստաւորեալ խոր-
հրդական զգեստու՝ զփրկագործն
մատուցանէր պատարագ և հաղոր-
դեալ կենարար և մեղաքաւիչ
խորհրդոյն , յորմէ և ոչ երբէք 'ի
բաց եկաց , մեծ հաւատով և բա-
զում յուսով հանդերձ սիրով և
արտասուօք :

Յեա այնորիկ ասլա յախա ինչ
անկանէր հարկաւոր կրից աղցաւոր
բնութեանս . յառաջ կոչէր զեղ-
բարան , զնախաքարոզն սակաւուք
երկրորդէր , զխրատականս և զյոր-
դորականս սիրելի որգւոցն աւան-
դէր , անփոխադրելի 'ի նոյն մնալ
հաստատէր . Սուրբ եմ յարենէ ,

ասելով, ձեր ամենեցուն, զի ոչ
 խորհեցայ 'ի սրտամելոյ ձեզ զամե-
 նայն կամս Աստուծոյ . և արդ-
 յանձն առնեմ զձեզ Աստուծոյ և
 բանի շնորհաց նորա . զամենայն
 ձեզ աւանդեալ աստուածային սա-
 տուիրանացն զգուշութեամբ պա-
 հեցէք, մշակ առանց ամօթոյ լինե-
 լոյ, և զհողս հողոյ առք աղօթից
 յուղարկաւորութեամբ : Եւ ինքն
 զակն 'ի վեր կարկառեալ՝ յորմէ ոչ
 երբէք խոնարհեալ ըստ ասելոյն,
 Աչք իմ յամենայն ժամ առ տեր
 են . յոգոյ հանեալ արտասուալից
 խնդութեամբ՝ 'ի Ձեռս քո, ասեր,
 Յիսուս աւանդեմ զհոգի իմ . ըն-
 կալ զհոգի քոյոյս 'Ներսեսի : Եւ
 խսկոյն փչէր զմաքրական հոգին
 զուարթ զիմօք, առ հարս իւր յա-
 ւելեալ, կենաց 'ի կեանս փոփոխ-
 մամբ :

Մեծ յաւելուած անգրանկաց
 այսօր ընկալեալ եկեղեցի, այնքան
 յաճումն առաւելեալ, որքան 'ի
 խոնարհ աստ նուաղեալ : Քանզի
 ձգեցին յինքեանս սուրբքն զսուրբն .

արդարքն զարդարն , մարդարեքն
 զնախաձայնութեանցն մեկնիչ . ա-
 ռաքեալքն զանճառ խորհրդոցն
 յայանիչ . աւետարանիչքն զաւե-
 տարանին քարոզ . քահանայա-
 պետքն զքահանայագործօղն . քա-
 հանայքն զմաքրիչն . հովիւքն՝ զհո-
 վուակիցն . եպիսկոպոսքն՝ զայցե-
 լուն . վկայքն զնմանօրինակն . նա-
 հատակքն՝ զճգնօղն , միանձուհիքն՝
 զանտապատականն . հանդիսաւորքն՝
 զժուժկալն . կուսանքն՝ զանախան .
 և միանգամայն վերինքն՝ զի ստո-
 բուստ երկնայինն :

Իսկ 'ի խոնարհ աստ , զի՞նչ : Ան-
 բերելի սուգ միանգամայն որոց 'ի
 նմանէն մնացեալ սիռեալ բեմա-
 կանաց և ստորակայից , և համօրէն
 ժողովրդոց . զի Մովսէս 'ի լերինն
 թաղի . և Յեսու չէ 'ի միջի , որ
 զորդիան նորոյս Իսրայելի յորդա-
 հոսան անցուցանելով ուղիսս յեր-
 կիրն ածէ կաթին և մեղու բլխիչ
 պարգեւաց : Եղիա հրեղէն վերանայ
 կառօք , և Եղիսէ ոչ աղաղակէ զկնի
 զապացոյց առեալ մեռելութեան ,

որով զյորձանուտն բաժանէ ընդ-
հարմամբ, զանաւոցագոյն բերմունք
կենցաղոյս : Դաւիթ առ հարս յա-
ւելու . և Սաղովմոն ոչ 'ի սպարաս-
տեալ ոսկւոյն կեփաղեայ զաս-
տուածաբնակն յարուցանէ կազ-
մած տաճարի : Պաւղոս անփոփի, և
Տիմոթէոս ոչ զաւետարանին յա-
ջորդէ քարոզ, և այսր աղագաւ
Թախիծ : Զի մինչ հարսն յառա-
գաստի, փեսայն 'ի դամբարան հրա-
ւիրի . տակաւին մանկունք 'ի խրա-
խուԹեանն, ողբերգական ժամա-
նեաց կոչումն : Այդին 'ի ձեռանէ
տեառն անկեալ, գարնանաբեր սա-
ղարթիւք սլճնեալ, 'ի բարձունս
զբարունական արձակեալ, անմա-
հուԹեանն ծաղկաւ քաջաշնչեալ և
ողկուղիւք բազմապատկօք վայելչա-
ցեալ՝ յանկարծօրէն ամպահարեալ
անփառունակ տգեղանայր : Անդն
քաջաբեր 'ի մշակէն ժիր երկրա-
գործեալ, աստուածախօս վարդա-
պետուԹեան ցօղով զուարճացեալ .
և չեւ եւս տիրասլէս ատորբացեալ
խիւսոյ սերմանն՝ խորշակաւ մահուն

հարեալ, սին և աղաղուն քաջաբե-
րի փոխան եղեալ: Ոչխարքն բանա-
ւորք երկուորածինք և լուացեալք
որք 'ի շուշանս ճարակեալք յա-
րօսս կենդանիս և 'ի դալար վայրս
սնեալք, զանցեալք զմահացուան
և յապրեցուցանողն առաջնոր-
դեալք, 'ի հարկանել հովուապե-
տին ցրուեցան, ըստ մարդարէին,
իբրեւ զոչխարս որոց ոչ իցէ հովիւ:

Տխուր աստանօր եկեղեցւոյ ցու-
ցանիւր հանդէս. զի որ զբաղմա-
ժողովն հրաշացուցանէր փրկական
անօրէնութեան մարդացելոյն վասն
մեր տօնական զյիշատակն, որով
'ի նոյն պատկեր փառաց 'ի փառս
նորոգեալ վերստին արծարծմամբ
փրկականացն, զի ոչ 'ի միջի նոցա
որ այնոցիկ այր գտանէր յարդա-
րիչ: Ոչ և որով որդիքն սիրելի ե-
կեղեցւոյ արգասիւք հանդիսաւո-
րացն, որք զանձինս իւրեանց ե-
տուն 'ի մահ, ընդ որ 'ի վերայ նո-
ցայն մեռաւ և յարեաւ՝ զինքեանս
կերպարանէին առաքինութեան
հիւսիցն յեռմամբ, զի վկայակիցն

կենդանի ոչ ըղձակերա տեսողացն զսպակաւորացն հրաշացուցանէր զյիշատակս : Նա և որ առաջնոյ լուսնն ուխտին մեծն և սխրալի մերոյ փրկութեան խորհուրդ փրկագործ կրից երկրորդն Ադամայ առ մեզ զեկուցումն , որ ինքն զհաւատով հպեալան ընդունի և բնակէ անմահն առնելով կենաց ժառանգորդ զսպասուողն՝ և մերձաւոր և առ ամենեսեան նորին զօրութեան և փրկութեանն հրապարակող , քահանայագործող և խորհրդածու ոչ ունելով , որով ՚ի խորհուրդ վասն որոց բաշխէրն՝ գային , թերեւս ոչ զվրիսուսն հեշտեաւ ընդունակացն բերէր :

Զի՞նչ եւս զհետեւոցն և որք վհերոսքն են որ ասիցէ զտուգանս յայնպիսւոյ ընդոստուցիչ և կսկծողական խթանէ իմաստայեղձն պակասեալ բանից , որովք սարսափելի յիշատակաւ տապարին հատման և հրածախն դատման զարթուցանէր զթմրեալն յերկրաւոր սիրոյ ՚ի ըզմայլումն աստուածային խառնեալ

Իմաստութեանն խառնարանի : Եւ
 կամ զպնդակազմիցն և զառաքի-
 նեաց եթէ յորքանեաց արքայու-
 թեանն սիրով յառաջատուութե-
 նէ նուազեցին լաւագունիցն ընա-
 րողութեանց՝ ՚ի նորա բացակայիլ
 յորդորական բանից : Ո՞ւր և բազ-
 մայանցիցն , և որ ՚ի խորս ըմբռնեալ
 շարեաց գիցի հառաջ , զվերականգ-
 նողն և զյարուցիչն ՚ի գլորմանէ
 չունելով մեղաց և զառաջնորդն
 անմոլար ՚ի շաւիղս արդարութեան :
 Թողում և զհայրն որբոց և զայցե-
 լուն այրեաց , և զընդ ամենայնի ա-
 մենայն եղեալն գթած օրէն , զի զա-
 մենեսեան շահեսցի . ո՞չ ապա պատ-
 կան սգոյն տարածումն : Այլ թէ
 և այս այսպէս , սակայն զօրինաւոր
 գործ վճարէին , սաղմոսիւք և քա-
 հանայական օրհնութեամբ ՚ի հան-
 գիսս յուղարկէին , զԵրրորդու-
 թեանն անձնականօք մաքրութեամբ
 տաճարացեալն ՚ի տաճարին տեառն
 մեծամիառ պատուով ՚ի դամբարանի
 գնէին , զսուրբն ՚ի սրբարան սրբոց
 հանգուցանէին . և զյիշատակն ամ

յամէ յեօթներորդուն ամսեանն ըստ հռոմէականին 'ի չորեքտասանն օր աւանդէին :

Եւ արդ եկայք ինձ մերձ կացէք 'ի գովութիւն ամենայն սպասաւորք բեմբին , միանգամայն և ստորակայք , 'ի կշիռ զօրութեան ըստ յարմարն պատշաճից ամենեքեան վերասպատուեցէք , ոչ զինորա յաւելուած սպատուոյ առնիցէք , քան զի ո՞ր առաւելութիւն փառաց նորա յայսմանէ , որ բոլորովին զամենայն արհամարհեաց զմարդկան փառս . այլ զի զանձինս բարեգործիցէք 'ի նախանձ առաքինութեան յորգորելով . որք մեծի խորհրդոյն էք քահանայագործողք , մաքրագունից զարդ՝ զքահանայապետն . սարկաւագունքն՝ զչնորհաբաշխն , դպիրք՝ զնուիրիչն , ժառանգորդք զժառանգատուն : Արծնաւորք զկրօնիցն յարդարիչ . միանձունք՝ զանասպատաւորն . ուխտաւորք զուխտիցն աւանդողն . իշխանք զօրէնան . որք ընդ իշխանութեամբ , զհնազանդութիւնն : Դատաւորք զիրաւունս .

դատեցեալք՝ զուղղութիւնն . մե-
 ծատունք՝ զսանձսն . աղքատք՝ ըզ-
 համբերութիւնն . փարթամք զմա-
 տակարարն . անանկք՝ զժուժկալու-
 թիւնն . բարեգործք զյորգորիչն .
 եղեռնագործք զնահանջիչն . ճշմա-
 ըիտք՝ զսուանդիչն . սուտք՝ զարձա-
 նացուցիչն . ամբարտաւանք՝ զխո-
 նարհեցուցիչն . չափաւորք՝ զբարձ-
 րացուցիչն . կեղծաւորք՝ զսարղու-
 թիւնն . սլարգք զմիատեսակարարն .
 ստահակք՝ զկա՝ . . . հնազանդք ըզ-
 հաւանութիւնն . ծոյլք՝ զարիացու-
 ցիչն . փոյլթք զսնդութիւնն . սըրա-
 մտոզք զհանդարտութիւնն . հեղք՝
 զխաղաղարարն . խռովարարք զհաշ-
 տութիւնն . խաղաղարարք՝ զան-
 սպատերազմականն . վաւաշտոք՝ զող-
 ջախոհութիւնն . ողջախոհք ըզ-
 սահսպանութիւնն . ատեցողք զսի-
 րելութիւնն . սիրողք՝ զնմանօրի-
 նակն . որովայնամոլք զսարկեշտու-
 թիւնն . սարկեշտք զձօնիչն . յա-
 չաղկոտք զբարեմտութիւնն . ան-

* Թորինական սատ և զինի թերտո գտանին
 բառք ինչ :

նախանձք՝ զհաւասարաչափն . հեշ-
 տասէրք զընդոստուցիչն . պնդա-
 կազմք զունակութիւնն . հաստա-
 տունք զանշարժութիւնն . յող-
 դողգք զկազգութեցուցիչն . ան-
 կեալք , զյարուցիչն . կայունք ըզ-
 հաստատութիւնն . մոլորեալք՝ ըզ-
 դարձուցիչն . անստերիւրք , զնոյնու-
 թիւնն . մաքուրք՝ զսրբութիւնն . ախ-
 տաժէտք զառողջութիւնն . կոյսք ,
 զանախտութիւնն . ամրացեալք՝ ըզ-
 չափն . մեղաւորք զարդարացուցիչն .
 որք յարդարութեան՝ զպսակիչն .
 զյուսոյն հաստատութիւն , որք
 յուսահատք էք . և զկայունմն , որք
 յաներկբայութեանն . որք , ըզ-
 հայրն . և այրիք զվերակացուն . ման-
 կունք զգաստիարակն . և տղայք
 զսնուցիչն . երիտասարդք զկապն .
 ծերք զհամեստութիւնն . աշա-
 կերոք զվարդապետն . վարդապետք
 զկատարելագործն . իմաստունք ըզ-
 խոհեմն . և հանճարեղք՝ զհմտա-
 ցուցիչն . արք՝ զբարեպաշտու-
 թիւնն . և կանայք զցածութիւնն .
 և բոլորովին ամենեքին , զամենայնն
 ընդ ամենայնի եղեալն :

ԺԳ. Ներսէս մարգ երկնային,
 և հրեշտակ երկրային, 'ի մարմնի
 խոնարհութեանն աղցաւոր վիճա-
 կեալ կրից, զբարեբաստից և զեր-
 ջանկաց 'ի միշտ բարեաց զմաքրու-
 թիւն անախտութեանն ըստ անկա-
 բօան բնութեան, գեր 'ի վերոյ
 յոքունց հոմասեռից ասլաւորեալ
 բերէր: Գրախտ աստուածատունկ,
 յոքնազան առաքինութեանցն արն-
 կօք զուարճացեալ, զբազմատեսակ
 ծաղկանց և պտղոց, հոտոց և համոց
 որակութիւնս անձնականս, և ընդ-
 դիմակն մասանց մշակին երկնաւոր
 հատուցանէր զարգիւնս շահեկա-
 նութեան: Ներսէս աղբիւր յոր-
 դահոսան 'ի տանէ տեառն բղխեալ
 զվիճակեալ տեառն շնորհի զեկե-
 ղեցւոյ բանաւոր տունկս քառա-
 բաժ վտակօք հանրասլէս արբուցա-
 նել յաճումն պտղաբերութեան:
 Այլ և ըստ նախաձայն հոգերգողին
 զգնացս ուղղեալ ուղիսից 'ի քաղաքն
 աստուածային, որով և յարկք սըր-
 բեալ ասին: Ներսէս՝ քահանայ

ինքնանուէր գերագոյն ահարսնեան
 քահանայութեանն, որ ոչ անբա-
 նից արեամբ ցլուցն և նոխազաց,
 այլ անձնականօք մաքուր զենլէօք
 զքահանայութեանն ընոյր պաշտօն
 'ի ներքս յանմտանելին՝ եղեալ ե-
 րեսացն հօր յանդիման, զինքեամբ
 մատուցելոցն քահանայագործէր
 զփրկութիւնն : Ներսէս՝ զօրավար
 առաքինի գումարելոց 'ի հանդիսի
 ընդդիմամարտ զօրութեանն եկե-
 ղեցւոյ մանկանց՝ մարդողական բա-
 նիւ յարուցանող զյառաջամտու-
 թիւն, ածելով և հանելով հան-
 ճարօրէն 'ի ճակատուն, զներհակն
 պարտեալ, զանձն և որք ընդ ձե-
 աամբ ապրեցուցանէր : Ներսէս
 ըմբիշ բարեպաշտութեանն, ըստ
 օրինի մենամարտեալ յասպարիզի,
 ընդվզեալ ապստամբին, որ ոչ յան-
 դոյսն իբր թէ զօդ կոծելով զձեռս
 ածէր . այլ ճ'նշմամբ և հնազանդե-
 ցուցանելով իրաւ . . . զմարմին, ըզ-
 կարեւորսն հարկանէր հակառակին
 զանգամս կարելէր խոցմամբ ազգո-
 ղական տալով զվերս :

Ներսէս, հանձարեղ նաւասէտ,
 'ի ձմեռնացեալ աշխարհական ծո-
 վուս մակուկաւ իմաստութեան և
 հոգւոյն թեւօք նաւասէտեալ, զե-
 կեղեցւոյ լուսն անթաց ընթացիւք
 'ի բոլորն վերայարուցմանց փորձու-
 թեանցն արկածից անվրդով անցու-
 ցեալ յանքոյթն հասուցանէր նա-
 շահանդիսս : Ներսէս, վաճառա-
 կան իմաստուն 'ի խնդիր գերաբունն
 և պատուական ելեալ մարգարտի,
 համանդամայն որ զինչ և ունէր
 մեծութիւնն և զփառս և զհեշտու-
 թիւն կենցաղոյս իբր անարգ ընդ
 պատուականի, և լուծական ընդ
 որ ոչն ցնդի փոխանակեալ զմինն
 զայն, և յարաժամ ունող նոյնա-
 բար սեպհականեալ ստացուած :
 Ներսէս, ուղեգնաց զգուշաւոր 'ի
 ստերիւր և սայթաքող լարծահաս
 և կաւահո դարչապարաց ու-
 լոցն հետոց, որ լայն և ընդարձակ
 շաւղօք յանգնդասպտոյտ խորասու-
 զեալ դժոխայինն իջուցանէ յա-
 տակս, բացադարձեալ ընդ նեղ և
 ընդ նուրբ անցս վերին ուղւոյն ան-

մուլար ճանապարհորդեալ ընդ ար-
 ձակն ժամանեաց տեղի հանգրա-
 տեան : Ներսէս , ճարտարապետ
 խոհեմ նորոյս տաճարի , լցեալ
 հոգւով խմաստութեան , քան ըղ-
 ֆեսելիկ յարդարիչ հինն խորանի
 զքառերանգ նիւթս զարդու ար-
 քունեան ճեմարանիս զիչխանակա-
 նին ասեմ մասունս՝ ընդ պատուա-
 կանն ոսկւոյ թագաւորականն տալի ,
 և մաքրեալ բանի արծաթահանգէտ
 փայլման յեռեալ , այլ և ոչ բացըն-
 կեցիկ որ 'ի ժահահոտն և 'ի վառ-
 ման հրոյ նիւթոց այլայլելով 'ի յէ-
 ութեան պատուականին . ըստ ո-
 բում և որ այսորիկն էր շինիչ նշա-
 նակէր , զբոլորն հաւաքեալ 'ի միու-
 թիւն յարմարութեանն աստուա-
 ծարնակ այս տաճարի , յորում և
 տէր 'ի սմա յայտնի ըստ հոգե-
 նուագն մատենի : Ներսէս , որսորդ
 հնարիմաց , ըստ ասողին , Առաքե-
 ցից որսորդս՝ և որսայցեն 'ի վերայ
 լէրանց , և կալցուք աղուեսունս
 փոքունս՝ զոսպականիչս այգեաց , որ
 և դիտէր յամենայն ուրեք 'ի լէրինս

և յանասպատու զանասնացեալսն 'ի
 բարեաց ամենայն զգուշութեամբ,
 զի մի զնովաւ անց . . . : Ձինու այս
 միկ վարելով որով 'ի փրկութիւն
 ապրեցելոյն երեւէր, յամբարտա-
 ւանին նետաձիգ լինելով գլուխ,
 զնոյն յարեան արբուցանելով զա-
 ւարն դարձուցանէր : Ներսէս, ոչ
 խար բանաւոր երկնաւոր հովուա-
 պետին, որ զմիտն նուազեալ 'ի
 կատարեալն [թուոյ՝ յանասպատ [թու-
 ղու յերկիրս, և զմոլորելոյն զհեա
 գնայ անգրէն դարձուցանելով 'ի
 հրճուանս մնացելոցն . զորոյ զձայն
 ճանաչէ և զհետ երթայ 'ի յօտա-
 րացն խոտորմամբ՝ ընդ նորայն մաա
 նելով դուռն յապականիչ գողոյն
 ամրացեալ : Ներսէս, հովիւ քաջ
 բանաւոր հօտի, 'ի յարգարեւ հո-
 վուապետէն յանձնեալ, նայապէս
 զանձն 'ի վերայ գնելով հօտին զմո-
 լորեալսն դարձուցանել, զբեկեալն
 պատել, զմարմառոտն առողջացու-
 ցանելով, և զեկեղեցականն ամրա-
 ցուցանելով փարախ . քանզի գի-
 տէր ոչ միայն ընդ անձին, այլ և ընդ

Ժողովրդեանն տալ համար : Ներ-
 սէս , երկիր բերրի և արգաւանդ ,
 ընկալեալ զսերմն բարի յանխտիր
 սերմանողէն , զգուշանայր 'ի Թրու-
 նոյն 'ի խոր արկանելով , և տապոյն
 հիւթով կենդանական և միանգա-
 մայն 'ի հեղձուցիչն փշոց տայր
 զստուղս արգիւնականս սերմանո-
 ղին , ընդ միոյ հարեւր , վաթսուն և
 երեսուն : Ներսէս , մշակ աշխա-
 տեալ յանգատանի տանուտեառն
 զկորդացեալ երկիր բանականի բնու-
 թեան արօրով բանի սպտառեալ ,
 և զանտառամոլ մնասակար որոմն
 խլեալ , զբարւոյն սերմանեալ , և ոչ
 նիրհեալ 'ի քուն թանձրութեան ,
 զի մի եկեալ թշնամին զորոմն
 չարութեան սերմանեացէ 'ի վերայ ,
 այլ արթնութեամբ զգաստացեալ
 'ի պահպանութեանն անգրժելի
 մնալ անգոյն : Ներսէս , այգե-
 դործ թիր և արթուն , զտունկս
 յամենազօր աջոյն անկեալ տածէր
 և դարմանէր յատոցաւ սպառնա-
 կան և կսկծեցուցիչն բանի զաւե-
 լորդս չարեացն և յոքնաբեղունս

չարութեան՝ զանբերս առաքինու-
 թեան զուղէշն յապաւէր և ըզ-
 պտղածինն մաքրէր . միանգամայն
 և ցանկով աստուածային օրինացն
 յապահանագործ և ժանտացուցիչ
 դազանէն ամբացուցանէր : Ներ-
 սէս՝ բժիշկ ճարտար անձնակն
 հասակի լութեանն յեկեղեցւոյ
 զկուրացեալն 'ի ճշմարիտ արիււոյն
 հայեցողութենէ լուսաւորէր , ըզ-
 կազացեալն 'ի շաւղաց նեղ և ան-
 ձուկ ճանապարհին բժշկէր , զխա-
 ցեալն 'ի կենսունակ լոյ աստուա-
 ծային պատուիրանին բանայր , ըզ-
 համբացեալն 'ի փառատրութե-
 նէ օրհնարանեալն արարչի՝ արձա-
 կէր , զգօսացեալն 'ի բարեգործու-
 թեանն ձեռնածիգս առ լաւութիւն
 պատրաստէր . զառ 'ի ճշմարիտն
 հաւատոյ դաւանութենէ տկարա-
 ցեալս , 'ի վերայ անշարժելի հիման
 հաստատէր , և որ բոլորովին լու-
 ծեալ անգամօք ըստ հոգեւորական
 լինէր հասակին և զմահիճան բառ-
 նալ հրամայէր : Ներսէս , վարդա-
 պետ ճշմարտութեան հին և նոր

կասկարանաց , ղխորին խորհուրդս
անճառելեացն բանից բացայայտէր .
և որք միանգամ սկրուա և անու-
տելի կարծրութեամբ դեռահասա-
կացն դուրով , ատամամբք մեկնողու-
թեանն ծառքելով դիւրրնկալ առ-
նէր , յիմանալի որոճս մտաւորական
խուղմանն յաճումն հողեւորական
պատրաստէր :

Ներսէս , անտես հաւատարիմ 'ի
վերայ գերդաստանի կացեալ մեծի
արքային կրկին աւանդիւք , որ ոչ
զձառայակիցն ըստ անզգամին հար-
նէր զհոգի , և կամ որք ընդ ձե-
ռամբ անյուսացեալ զտեառնն դա-
լուստ , այլ մեծաւ սպասեալ արթ-
նութեամբ գալստեան թագաւո-
րին , տալով 'ի ժամու ծառայա-
կցեացն զկերակուր . որով 'ի նմանէ
զերանաւէան լուեալ ձայն , ի վե-
րայ ամենայն ընչից խնոց կացուցի
զքեզ : Ներսէս գպլիր աշակերտեալ
արքայութեանն , յանձախելեաց
աստուածային խմաստութեանն
գանձուց փարթամացեալ 'ի դէպ
ժամանակի առաստաձիր ճոխանայն

զ . . . բաշխելով զոսկին և զար-
 ծաթ և զքարինս պատուականս՝
 որք այնոցիկ են ցանկացեալք ՚ի հին
 և ՚ի նոր կտակարանացն : Ներսէս ,
 տօնող տօնից տէրունականաց և սլայ-
 ծառացուցիչ յիշատակոց որդւոց
 վերին առագաստին , բազմահամ-
 բար պարաստութեամբ ըստ իմա-
 նայի մտաց փայլման ՚ի տեսակս ըզ-
 դայական լուցմամբ լապտերաց յա-
 ճախութեան և բուրմամբ խնկոց ա-
 նուշահոտութեան , որով և առ յի-
 մասսս մառական տեսութեանց
 ըստ իմանալին դիտմանց տակաւին
 զտղայացեալն զարթուցանէր ՚ի
 նմանն կոյս վերաբերիլ : Ներսէս
 սուսեր հատողական աղդող բանիւք
 աստուածական , որ անցանէ քան
 զորոշումն շնչոյ և ոգւոյ , յօգից և
 ուղղոց՝ ՚ի մարմնոյ եկեղեցւոյ զախ-
 տացեալն անբուժելի ՚ի բաց հատա-
 նելով զանգամ . զի մի փոքուն խառ-
 նուած ասպականագործ խմորոյ զբռ-
 վանգակն ժանտացուցէ մարմին :

Ներսէս , հայր որբոց և այցելու-
 այրեաց , յանձանձելով և խնամե-

լով ըստ իւրաքանչիւր պիտոյից
 զքաղցան կերակրէր, զմերկան զգե-
 ցուցանէր, զզոռեալն ախփէր,
 զտկարան պաշտպանէր, զըկելոցն
 օժանդակէր, զորքան սնուցանէր,
 զայրիս պատսպարէր, և յառ-
 ձեռնպատրաստ վտանգից մխիթա-
 րէր: Ներսէս, խունկ անուշահոտ
 յխմանալի խնկեալ խորանի բուրվա-
 ռօք ոսկեղինօք ժուժկալուծեանն և
 մաքրուծեան երկասիրուծեամբն
 աղացմամբ քառանիւծեայն առնե-
 լով խառնուած հաճոյական զխո-
 հականին և զօրուծեան, զողջախո-
 հուծեան և զարդարուծեան: Ներ-
 սէս, աղ անհամեւոց, և չարաչար
 կեղօք նեխեւոց բիւրապատիկ ախ-
 աիւք յօգիս հարեւոց, որովք զան-
 ախաուծեանն կորուսին զ... և
 զմաքրուծեանն առողջուծեան վե-
 րրատին զսրբուծեանն տալով զհա-
 մեղուծիւնն և զնեխուծեանն պրն-
 դուծեան: Ներսէս աշտարակ ան-
 պարտելի հակառակին զօրու պա-
 տերազմողի, յոր 'ի ձախողն և որք
 . . . մարտ անըմբռնելի ընդդիմա-

մարտին զբազմաձիգ տեղացմունս նեախց և ումբաքարաց իբր յամուր մէքենայէ 'ի բաց դարձուցեալ : Ներսէս վէմ անշարժելի 'ի հիմունս եդեալ Սիոնի և 'ի վերայ անգրդուելի դաւանութեանն ճշմարիտ հաւատով հաստատեալ ղեկեղեցի , զգթօխային անհաւատութեան մըտիցն յար կացեալ անյաղթելի : Ներսէս , տաճար սլանծալի կաղմեալ և յարդարեալ 'ի սլատուակահութեանէ սրբութեան թագաւորին փառաց , յորում բնակէ Միածինն ընդ ինքեան ածելով զհայր և զհոգին , ըստ այնմ , թէ Ես և հայր առնա եկեսցուք , և օթեւանս առ նմա արասցուք . և թէ Տաճար Աստուծոյ կենդանւոյ էք և որպէս ասաց Աստուած թէ բնակեցայց և գնացից 'ի նոսա :

Ներսէս , կառավար իմաստուն և արի՝ 'ի կառս սլատուիրանի լծեալ զոգի և զմարմին ինքեանց զօրութեամբ մասամբ և զգայութեամբ իշխանականին 'ի վերայ ելով մտաց և զերասանակն 'ի ձեռին ունելով

զօրեղասպէս կառավարեալ 'ի վերայ
 այլասեռիցն խմբից, որ ընդ նոսին
 միշտ կռուին ախտից առաժուր
 հարկանելով, և ընդ ասպարիզին
 անմնաս անցուցանելով հանդէս 'ի
 մրցանակն ժամանեաց սլաարաստե-
 լով հանդիսագրին: Ներսէս, ուռ-
 կան անխզելի 'ի խորս արկեալ աշ-
 խարհական այս ծովու, զբանական
 ձկունս 'ի տղմային և հեղձուցիչ
 հեշառութեանց վերաբերեալ 'ի մա-
 հուանէ 'ի կեանս առնէ փոխա-
 դրութիւն: Ներսէս գշխոյ սլան-
 ծալի արքային անմահի, մոռացեալ
 զժողովուրդ և զառն հօր, 'ի հան-
 դերձս յոսկէհուն զարգարեալ և
 պաճուճեալ և ածեալ 'ի տաճար
 թագաւորին՝ որում և տենչայրն
 գեղոյ վայելչութեանն: Ներսէս
 փեսաւէր և նուիրող հարսին եկե-
 ղեցոյ, նախանձեցուցանելով 'ի
 նախանձ աստուածային, և խօսե-
 լով զկոյս սուրբ մաքուր փեսային
 դեղապանծ վայելչութեամբ, որ
 ետ զանձն իւր վասն նորա, զի զնա
 սրբեսցէ սրբութեամբ աւազանին

յառաջին հեշտութեանցն աղտո-
ղութեանց : Ներսէս , փող աս-
տուածային քաջահնչող և համա-
լուր , զանձառ խորհուրդ տնօրէնու-
թեանն փեսային եկեղեցւոյ յընդ-
հանուրս հնչելով զամենեսեան 'ի
խրախուճս հոգեւոր զնախահրաւի-
րեալնս կոչէ սեղանոյն սրտա-
տելով և իմաստութեան խառնարա-
նին , Նկայք , ասէ , կերայք 'ի հա-
ցէս , և արբէք զգինիս , թողէք զան-
զգամութիւն և կեցըիք . խնդրեցէք
զիմաստութիւն , զի ապրեսըիք :
Ներսէս , ջահ համապայծառ , զԵր-
րորդութեանն համաբուն լուսոյն
գիտութիւնն յոգի ծա . . . հեղու-
թիւն որ անկեղոցն է բարձրութիւն
անպատճառ ընտրէր , և զկիսոց
զանոխակալութիւն և զանյիշաչա-
րութիւնն յանձին գաղափարէր :

Ոմանց մարդասիրութեան և ս-
ղորմածութեան , որ ամենեցունց
գթասիրի ածէ հօրն կերպարան՝
նմանել փութայր . և զայլոց զան-
ախտութեան և զանստացուածու-
թեանն բարիս յինքն հաւաքէր :

Ջոմանց զժուժկալուծեան և ըզ-
 համբերուծեանն 'ի բազմապատիկ
 վիշտս և 'ի նեղուծիւնս՝ զքաջու-
 թիւն բերէր . և այլոց ողջախոհու-
 թեան և սպրկեշտուծեան լինէր
 հետեւող : Ոմանց մշտահայց և բազ-
 կատարած մաղթանօք անընդմիջա-
 բար աստուածխօսուծեամբ գայր
 'ի հաւասարութիւն , և կիսոց զան-
 նախանձ և զանյաջաղն առնէր 'ի լը-
 ծակցութիւն . զոմանց հաւասարա-
 չափ անկարօտուծեան , վէհիցն
 արթնուծեան բերէր նշանակ , և
 յայլոց զգաստուծեանց և մաքրու-
 թեանց ոչ լինէր վերջացեալ . ի-
 մաստուծեամբ և խոհականու-
 թեամբ՝ որ գերադոյնքն էին յայտ-
 սիկ կշռէր , և որ յարուծեանն էին
 քաջակիրթք՝ նախանձու վառէր . որ
 զունայնութիւն անտախ կենցաղոյս
 ընդ տախբ եգեալ՝ նոցին հետեւէր .
 և որք 'ի վերինն անխոտորնաբար
 երկնային ուղին գնային , կցորդէր .
 որոց սեսլահան էր ժառանգու-
 թիւն բարեպաշտուծեան աւանդ՝
 ձայնակցէր . և որք զսիրոյն ունէին

օրէնս 'ի յաշակերտի կարգ զինքն
գնէր . և միանգամայն որ ըստ բա-
րեզարդ կարգաց խմանի , ըստ չափոյ
զօրութեան՝ 'ի նմանութիւնն կամ
'ի հաւասարութիւն , և կամ 'ի դե-
րագրութիւն ձգտել յօժարէր :

Ընդ արդարսն մաքրեցաւ , ընդ
տեսանողսն նախաձայնեաց , ընդ
առաքեալսն քարոզեաց , ընդ հայ-
րապետսն հովուեաց , ընդ վարդա-
պետսն աստուածաբանեաց , ընդ
վկայսն յօժարութեամբ վկայեաց ,
ընդ մարտիրոսսն չարչարեցաւ , ընդ
կուսանսն նահատակեցաւ , ընդ
միանձուսն ճգնեցաւ : Ասն զի
լուաւ 'ի կոչողին ձայնէ , զի ասէր .
Ար որ իմ՝ առաջին կամի լինել աշա-
կերտ , ուրացի զանձն և բարձցէ
զնազն և եկեացէ զհետ իմ . և այնու-
հետեւ զբոլորն սուժելով զիւրսն
և որք իւրոցն 'ի ծանրութեանց ա-
ղատեալ՝ թեթեւաբար չարչարա-
նացն բեւեռմամբ կոչողին հետե-
ւեցաւ : Եգիտ յարարակի աստուա-
ծային գրոց զանկապուա դանձ սղա-
տուիրանին , և զամենայն որ ինչ ու-

նէր վաճառելով՝ զնա արարեալ
 ստացուած սեփհական, որով ճո-
 խացեալ զաղքատացեալն 'ի կե-
 նացն փարթամացուցանէր գան-
 ձուց : Աստուկեաց յայգի պա-
 տուիրանին, ոչ յերկրորդումն և
 կամ 'ի կրկինս՝ յերեքկինս և կամ
 'ի մեասանն, այլ զօրն ցերեկ զժան-
 րութիւնն բարձեալ և զտապ, ոչ
 յաչաղէր զպատկերին ախլ զու-
 գութեամբ հաւասարաբաշխ տա-
 նուտեառնն, և որ 'ի մեասանն
 շնորհել ժամու, այլ և յարգէր զհա-
 ռասարութիւն առատասպարդեւն
 ձրից՝ որ գիտէ զյօժարութիւն 'ի
 վաստակոց դնել կշիռ : Իսառ զտա-
 զանդ պատուիրանին և զշնորհացն
 ձիրս 'ի յանխաիրն սփռողէ, և ոչ
 ծրարեալ անգործութեամբ յեր-
 կրի բնութեան թաքուցանէր . այլ
 'ի սեղանաւորս արկանէր աւանդե-
 լով պահանջողին, և զչահան բերե-
 լով քառաթուի կրկնակաց և 'ի
 հնգից թիւ կատարուն . որով զաղ-
 նիւն զբարի որ իւր յատուկ է սեփ-
 հական 'ի տեառնէն լուեալ կոչումն

որ 'ի ներքոյ զուարճութեանն , 'ի քաջազարմ տանուտեառնէն հրաւիրեցաւ 'ի հարսանիան . և ոչ 'ի փաստաբանութեանց զգայնոց լրծակցութիւնս , և ոչ ընդ հեշտութեանցն կապեցաւ նորահարսին , և ոչ 'ի ստացուածոցս ադարակի սպասողեցաւ , այլ պայծառս և փառփունս սրատրաստեաց զգեստ հարսանեաց , որով յընթրիան հոգեւոր ընդ բազմականան գահակցեալ , սաշաի յորմէ սաշտեացն ըստ անշուշտն խոսաման . Գօտի ընդ մեջ ածցէ և բազմեցուսցէ , և անցեալ սաշտեացէ զնոսա : Երեւեցաւ արդարութեամբ երեսացն աստուածային 'ի լուսոյն զմայլեալ փառաց՝ ճշմարտութիւն առաջնորդեալ լուսոյ , 'ի լեառն ել սրբութեան 'ի յարկան առաջի աստուածային մըտեալ սեղանոյ յանյաջորդն ծերութեան զուարճանալով 'ի մանկութիւն : Սպասեաց արթնութեամբ տեառն գալստեան իբր զանգիտութիւն լուաւ ժամուն և ոչ զառաջին զմիջին , և կամ զվերջին փութոյն

ընտրէր զժամ, այլ զբնաւ միան-
գամայն նիւթականի կենացս սահ-
ման՝ լուսագունին ընտրութեամբ և
ստանալոյ տրոհէր ժամանակ :

Զկուսութեանն մաքուր ստացաւ
զլատեր, ոչ 'ի գթութեան և 'ի
սիրոյ նուազեալ իւզոյ, որով և 'ի
նսեմն ժամու՝ փայլահնացայտ և
հրախաղաց գալստեանն յամեցելոյ
փեսային ընդ առագաստին 'ի ներքս
լինէր մանկանց անաղօտ լույսամբ
լատերին, ընդ լուսերամիցն բազ-
միլ 'ի հարսնարանին. յորում զան-
յաջորդն նուազութեան սեղանա-
ւորէ լիութեան սեղան իմանա-
լեացն կերակրոց, և յիմաստու-
թեանն արբուցանէ խառնարանէ
այնմ արժանացելոց : Որոյ գինի՝
հոգւոյն բղխումն, և ողկոյզ՝ որ 'ի
խաչին ճմլեալ, և մշակ՝ երկնաւորն
հայր. որոյ արբումն զանճառն ծա-
նուցանէ իմաստ և զծածկեալն
յայանէ խորհուրդ, զոր ոչ ակն
նկատեաց և ոչ ունկն լուաւ և սիրտ
իմանող ոչ եղեւ հասու : Քանզի
զի՞նչ անդ հրճուեցելոցն զուար-


Ճուրթիւն , եթէ ոչ զանճառ իմաստըն փեային վարդապետել և նոցա ուսանել . զոր կերակուր իմանալի կոչէ յասելն , Ուտիցէք և ըմպիցէք ընդ իս 'ի սեղան իմ յարքայ . ութեան Հօր իմոյ . զոր ճաշակողն ծայրիւ մատին՝ դրախտին քաղաքացի և անճառիցն լսող՝ ազազակէր , Այժմ տեսանեմք իբրեւ ընդ հայելի օրինակաւ , այլ յայնժամ դէմ յանդիման . այժմ խելամուտ եմ փոքր 'ի շատէ , այլ յայնժամ գիտացից որպէս և նայն ծանեաւ զինա . նա և ըստ 'ի վերուսան որոտման սքանչելին բարբառոյ՝ եթէ Գիտեմք , զի յորժամ նա յայտնեսցի՝ նման նմա լինելոց եմք . զի տեսանելոց եմք զնա՝ որպէս և էն :

Աստանօր որպէս ծովական ալիք զանկշիւ մեծանճնութեամբ վիմի կացելոյ ընդհարկանելով զափամբն՝ յետս նահանջի , անկարացեալ ըզվիթխարեաւ զանցանել լերամբ . իրաւապէս և մերս առցէ զկայ , խուն իմաստութեան ալիք յանկէան և անուորաւ և որ դեր 'ի վեր ունի քա-

նակի և սահմանի իր և անուն և տե-
 ղի հասեալ, որ անհասն է մտաց և
 անճառ բանի հանուրց սեռից բա-
 նականաց: Այլ ո՛վ գու յայսոսիկ
 կայուն և անլուծական, և որ միշտ
 նոյնպէս ունիս անճառելի բարի-
 հուպ և մերձաւոր և անընդմիջա-
 բար ՚ի նոյն վայելող, հայր սուրբ և
 քահանայապետ, ընկալ սիրողա-
 պէս և անարգամեծար կամօք զերա-
 խայրիս իմոյ կալոյ և հնձանի, թէ
 և յոյժ ՚ի վերջին յարժանաւորու-
 թենէ քումդ փառաց ընդունակու-
 թեանն շտեմարանի, այլ ոչ պա-
 տուականագոյն քան զայս ՚ի բանա-
 կան իմում անդ: Եւ վասն տօնո-
 ղացն զփառաւոր որ յիշատակի վե-
 րափոխման քոյ ՚ի ստորնայնոցս
 յերկնայինսդ, ՚ի զգալեացս յիմա-
 նալիսդ, յերկրաւորացս եկեղեցւոյ՝
 յեկեղեցիդ անդրակաց, ՚ի հրեշ-
 տակաց դասակցութիւնն, յարդա-
 րոցն խորանակցութիւնս, ՚ի մար-
 գարէիցն ժողովս, յառաքելոցն յա-
 թոռակցութիւնս, ՚ի հայրապե-
 տացն գումարութիւնս, ՚ի մարտի-
 նԵՐՍ. ԼԱՄԲՐՐՈՆԱՅԻ 7

բոսացն ջոկս , 'ի ճգնաւորացն ե-
 րամս , 'ի կուսանացն խումբս . զորս
 զամենեւեան համագումար ընդ
 քեզ առցես , մաղթելով առ հայրն
 երկնաւոր և Բան նորին և հոգի ,
 շնորհել աշխարհի զսաղաղութիւն ,
 եկեղեցւոյ հաստատութիւն , թա-
 դաւորաց յաղթութիւն , իշխանաց
 քաջութիւն , քահանայապետից
 շնորհաբաշխութիւն , քահանայից
 մաքրութիւն , ժառանգաւորաց
 անբժութիւն , դատաւորաց ուղ-
 զութիւն , ռամկաց բարեգործու-
 թիւն , մեղաւորաց դարձ և ապաշ-
 խարութիւն , արդարոցն պատուի-
 րանապահութիւն . յորոց ամենե-
 ցունց համաձայնութեամբ 'ի մի բե-
 րան փառաւորի ամենասուրբ Եր-
 րորդութիւնն այժմ և միշտ և յա-
 շիտեանս յաւիտենից . ամէն :





0131

20 0 1.

0015389

0015388

0015387

0015386

0015385

